



Digitized by the Internet Archive
in 2018 with funding from
Wellcome Library

<https://archive.org/details/b30542339>

CASPARI COMMELIN M. D.

& Horti Medici Amstelædamensis Botanici

PRÆLUDIA BOTANICA

A D

*Publicas Plantarum Exoticarum
demonstrationes,*

Dicta in HORTO MEDICO,

*Cum demonstrationes exoticarum 3 Octobris 1701, & 29 Maji
1702. ex auctoritate Nobilissimorum & Amplissimorum
D. Consulum auspicaretur.*

HIS ACCEDUNT

PLANTARUM & EXOTICARUM,

in præludiis Botanicis recensitarum,

ICONES & DESCRIPTIONES.



LUGDUNI BATAVORUM,

Apud J O H. D U V I V I E, M D C C X V.

GEORGE ENGELMANN
M.D.

PELVIC POTANICA

PROF. DR. GEORGE ENGELMANN

DICIONARIO MEDICO

TERMINOS DE LA ANATOMIA Y FISIOLÓGICA
DE LOS ORGANOS DEL APARATO GENITAL

TERCERA EDICIÓN

PARIS, 1874

ICONS & DESCRIPTIONS



LIBRARY OF THE
MUSEUM OF NATURAL HISTORY

NOBILISSIMIS AMPLISSIMIS

ET

GRAVISSIMIS VIRIS

D. NICOLAO WITSEN J. U. D.

D. JOANNI HUDDE.

D. THEODORO BAS J. U. D.

D. GERBRANDO PANCRAS J. U. D.

Horti Medici Curatori.

AMSTELÆDAMENSIS

REIPUBLICÆ CONSULIBUS.

NEC NON

NOBILISSIMIS AMPLISSIMIS

ET

PRUDENTISSIMIS VIRIS

D. FRANCISCO DE VROEDE J. U. D.

Viro Consulari.

D. JOANNI HUYDECOOPER
A MAARSEVEEN J. U. D.

Scabino.

HORTI MEDICI AMSTELÆDAMENSIS
CURATORIBUS,

DOMINIS SUIS ET MÆCENATIBUS
PERPETUUM VENERANDIS

HÆC SUA

PRÆLUDIA BOTANICA

EA, QUA DECET, REVERENTIA

D. D. D.

CASPARUS COMMELIN.

LECTORI BOTANOPHILO

S. D. P.

CASPARUS COMMELIN.



Iennium est, Lector Bene-
vole, quod partem alteram
horti Amstelædamensis plan-
tarum exoticarum feracissi-
mam tecum communicave-
rim, a quo tempore de edendo catalogo
cogitanti, accidit, ut Nobiliss. & Am-
plissimorum D. Consulum auctoritate
lectiones Plantarum exoticarum publicas
habendi mihi demandata sit provincia,
quæ hætenus in horto medico habitæ
fuerant nullæ, ut, quemadmodum bis

singula hebdomade Clar. Fredericus Ruyf-
chius Botanices Professor stirpes commu-
ni gaudentes solo, earumque usum me-
dicum Auditoribus suis publice demon-
strat, ita & ego lectionem stirpium
exoticarum geminam haberem, quas sta-
tim, anni 1701 autumno & præteritæ
æstatis initio auspicaturus non absre
fore putavi, si & utilitatem demonstra-
tionum culturæque exoticarum; metho-
dum, qua ipsas essem habiturus; &
studii Botanici jucunditatem in prælimi-
nio proponerem, cum in primis hisce
demonstrationibus variæ se obtulerint nec
descriptæ nec ab aliis aut saltem paucis
visæ aut cognitæ plantæ, hæcce nostra
præludia una cum rariorum & exoticarum
iconibus & descriptionibus tecum L. B.
communicare volui, tum ut hæcce nostra
præludia tanquam prodromus forent e-
dendi catalogi, tum ut hisce iconibus
& descriptionibus exoticæ illæ non def-
crip-

criptæ , & in præludiis recensitæ Bota-
nophylis simul innotescerent , quæ in
tantam copiam excreverunt in horto
medico , ut fidem fere omnem superet;
testes sunt illi , qui me præterita æstate
exoticas in horto medico demonstnan-
tem audivere; testes , ut de aliis taceam
multæ illæ diversæque Aloes species,
quas in præludiis indigitavi , & quæ nu-
merum quadragessimum quartum exce-
dunt , quantum vel in hortorum catalogis,
vel ipsis etiam editis Botanicorum libris
frustra quæres , continet enim Horti
Lugduno Batavi catalogus quinque A-
loes species , Beaumontiani septendecim;
Tournefortius in sua institutione rei her-
bariæ quatuordecim , & Pluckenetius in
suo almagesto botanico viginti & quin-
que recensent , sed quis uno eodemque
tempore tot Aloes species continens
demonstrari possit hortus , me latet: hæ
autem non solum numero , sed florum
quo-

quoque elegantia se commendant, duodecim enim, quod mireris Lector, diversæ species omnes in horto medico floruerunt, quarum aliæ odoris fragrantia, aliæ coloris elegantia, aliæ scapi flores sustentantis altitudine maxime insignes fuere; cæterum quid in hisce mihi agendum constituerim indicavi, utrum veto perfecерim tibi judicandum L. B. relinquo. Vale, & totius horti catalogum a me expecta.

Dabam Amstelædami

XIV. Kalend. Februarii MDCCIII.

CAS-

CASPARI COMMELIN M: D:

& Horti Medici Amstelædamensis Botanici

PRÆLUDIA BOTANICA

A D

*Publicas plantarum exoticarum
Demonstrationes.*

Uum mihi Nobilissimorum & Amplissimorum Consulum auctoritate singulis diebus Lunæ & Mercurii publicas plantarum exoticarum lectiones habendi demandata sit provincia, non abs re fore putavi, Auditores eruditissimi, si, priusquam has ipsas aggrediar, harum utilitatem & methodum, qua ipsas sum habiturus, breviter proponerem; utilitatem, ut nemo sibi persuaderet, harum culturam & demonstrationes esse inutiles, aut pompæ magis & ornamento, quam utilitati accommodatas;

A

me-

methodum, ut hac ipsa eo felicius cum auditoribus meis mentem meam possem communicare, & hi ipsi uberiores ex ea colligere valerent fructus.

Utilitatem illas in se continere maximam nemo ibit inficias, qui ex Hippocratis, Dioscoridis, Plinii, Galeni, aliorumque Veterum scriptis sibi fructum pollicetur unquam, hi enim, cum regionibus ab hac nostra longe remotis vixerunt & medicinam fecerunt, dubio procul omni simplicia descripserunt plurima, eorumque virtutes nobis reliquerunt descriptas, quorum nullum nostra fert tellus, præterquam quod & hi ipsi plurimis usi fuerint medicamentis, quorum loca natalia nec illi ipsi viderunt, hæc cum ita sint, Auditores, quam nobis, quæso, horum omnium a Veteribus descriptorum & in usum receptorum simplicium cognitionem pollicemur, nisi illorum notitiam inter exoticas æque ac indigenas quæramus? hujus assertionis veritatem præterito seculo doctissimorum ingenia & lucubrationes satis superque evicerunt, qui investigandis tam indigenis quam exoticis, iisque colendis & colligendis tantam simplicium medicamentorum a Veteribus descriptorum copiam detexerunt, cum orbe literato commu-
nica-

nicarunt, atque adeo rei medicæ emolumentum non exiguum attulerunt, ut nos posteri maximam habeamus causam, de qua nobismet ipsis possumus gratulari, nos, inquam, felicioribus illis temporibus vivere, quibus plurima invenimus detecta, & ansam habemus cætera hætenus incognita tractu temporis detegendi amplissimam. Nolim jam, Auditores, putetis me longa verborum argumentorumque serie probaturum medico scientiam & cognitionem plantarum esse utilem & necessariam, quum ego neminem vestrum existimem, qui de hujus rei veritate dubitat; e quibus omnibus quid aliud sequitur? quam exoticarum plantarum culturam summæ esse utilitatis, quia hac neglecta nullam in nobis exoticarum a Veteribus in usum receptarum ideam formare possumus, nescimus enim, an illa attributa, quibus Veteres sua simplicia descripserunt & designarunt, plantis illis competant, quæ tanquam legitimæ & a Veteribus descriptæ sæpe ac multum nobis obtruduntur, exoticæ è contrario ubi colantur, illasque nobis continuo videre, & ad examen revocare, hoc est cum Veterum scriptis conferre liceat, nosmet ipsos plantarum legitimarum a Veteribus descriptarum certiores facere possumus,

cujus specimen statim exhibebo: e quibus omnibus & quid aliud, inquam, sequitur? Quam & exoticarum plantarum demonstrationes maxime utiles futuras, præsertim, quum in iis demonstrandis mihi proposui utilitatis aut virtutis, si quam exoticarum nonnullæ habeant, aut a Veteribus fuerint descriptæ, non oblivisci, quod agentes utile miscebimus dulci, & diversas e quatuor totius orbis partibus in hunc unum hortum delatas videntes, cogimur suapte Amplissimorum hujus civitatis Procerum propensam erga rempublicam medicam voluntatem prædicare, cum iis Proceribus Amplissimis placuerit hunc hortum immensum ad publicum bonum & utilitatem magnis sumptibus extruere, & indies augere, fore ut eundem mirentur Incolæ, laudibus extollant Advenæ, testis est inter Botanicos nostri temporis facile Princeps Jacobus Breynius Gedanensis, qui, posteaquam Batavorum hortos, (& præcipue hunc & Lugdunensem, quos omnium optime instructos recenset) inviserat, in secundo suo fasciculi plantarum exoticarum prodromo exclamare cogitur, se sub primum hortorum ingressum cum stupore ibi theatrum plantarum inusitatæ cujusdam amœnitatis conspexisse, atque

que an in Indiam an Americam esset delatus, dubium hæsisse ac incertum, tot eximia oculos ejus afficiebant objecta, quia a mundi conditi exordio in illum usque diem tanto plantarum exoticarum thesauro Europa nunquam se jactaverat, quanto tunc temporis Hollandia ditata erat, qui si nunc temporis in vivis foret, quam copiam plantarum suo tempore nec visarum nec notarum ex utroque orbe & Africa in hunc hortum delatam non cerneret? non possumus itaque, Auditores, nisi erga divinum Numen sumus ingrati, summi Creatoris in hisce ordinandis & producendis omnibus sapientiam & omnipotentiam non admirari & revereri, bonitatem non prædicare, dum harum multas in usum mortalium, habita ratione incolarum diversorumque morborum endemiorum, creatas atque productas videmus, hujus veritatis pleni sunt libri, plenæ sapientum voces, & si quis dubitet hunc Barbari docebunt. Hactenus de utilitate, nunc pauca de methodo.

Nolite, Auditores, dum methodum mihi in demonstrandis exoticis servandam sim propositurus, a me expectare, ut aliorum methodum multis refellam, ut Dalecampium, qui plantas per loca natalia disposuit; ut Parkinsonium, qui a plan-

tarum viribus & facultatibus earum classes desumpsit; ut Beslerum, Horti Eysstettensis auctorem, qui per quatuor anni tempora suas plantas digessit; ut Matthiolum & alios, qui a foliorum similitudine plantas ad eandem classem reduxerunt, ut hos, inquam, omnes multis argumentis mala usos fuisse methodo ostendam, refutationis loco hæc satis superque a Morifono & aliis demonstrata dixisse sufficiet.

Methodum quod attinet, quam mihi in demonstrandis exoticis servandam proposui, hæc est, ut quotiescumque genus aliquod sim expositurus, relicta tamdiu specierum enumeratione, illius notas proponam characteristicas, quæ illi generi duntaxat nec alteri conveniunt, quæ omnibus & singulis ejus speciebus competunt, nec ab iis, nisi vim ipsi naturæ velimus inferre, possunt divelli, quibus propositis, species ejusdem generis recensebo: hac nisi utamur methodo, proficiemus nihil, & mea quidem sententia actum est de scientia Botanica, & illam, quæ admodum jucunda & utilis est, quæ hac methodo facilior redditur, odiosam, inutilem, & scientiarum omnium difficillimam reddemus.

Notæ, quæ vocantur characteristicæ, a
solis

foliis florum feminum aut capsularum figura & numero desumendæ veniunt, ab his si desumantur, facile similes a dissimilibus separari, & cum similibus velut in fasciculos colligi possunt: plantæ autem, quæ ejusdem sunt generis inter se tamen signo quodam singulari, ab externa facie desumpto, differant necesse est, etiamsi species ejusdem generis ob characterem generi proprium appellentur, exempli gratia plantæ omnes, quæ *Geranii* nomine innotescunt sunt plurimæ, & notis suis characteristicis, quod sint *pentapetalæ*, *rarissime tetrapetalæ*, *quinque capsulares* & *pentacoccae*, & quarum capsulæ seminales in mucronem instar ciconiæ rostri longissimum exeunt, sub eodem comprehenduntur genere, sed nota tamen ab externa facie desumpta differant necesse est, ita species ejus sunt vel *Aquilegiæ*, *Ibisci*, *Alchimillæ*, *Coriandri*, *Staphydis agriæ*, *Asari*, *Myrrhidis*, *Astragali* & sic porro foliis; ex hoc allato geranii exemplo quid aliud sequitur, Auditores? Quam externam faciem in generibus constituendis utilitatem in se continere vel exiguum vel potius nullam: hæc ut paulo clarius innotescant, sciendum, a plerisque Botanicis verticillatarum classem, quæ plu-

plurima genera in se continet, hac præcipua nota ab aliis quibuscvis classibus distingui, quod folia gerat ex adverso caulem amplectentia bina, (non divisa intelligite, Auditores, aut diversa quasi folia uni pediculo ex utroque latere cauli amplectentia, cum talis planta verticillata ante tres quatuorve annos apparuerat nulla) experientia tamen sumus edocti paucis ab hinc annis e Canaria plantam esse allatam, quæ triphylla existit, seu tria quasi folia in eodem gerit pediculo, quem capite quadragesimo primo alterius partis horti Amstelædamensis nomine *Cedronellæ canariensis viscosæ foliis plerumque ex eodem pediculo ternis* descripsi: quis Botanicorum unquam cogitasset futuram Geranii speciem foliis conjugatis? nisi illa præterito anno è seminibus africanis enata coleretur in horto. Hæc quæ de methodo mihi servanda paucis præfari præceperam, plura si quis desideret, doctissimos adeat Tournefortium, Rivinum, Rajum, Hermannum, aliosque.

Audivistis jam, Auditores, qua methodo lectiones sum habiturus; audivistis utilitatem, quæ in hisce continebitur, quid aliud nunc restat? quam ut & utilitatis & methodi speciem

ex-

exhibeam ; inquiremus itaque primo in unico duntaxat subiecto, quid plantarum cultura & demonstrationes afferant emolumentum, quid utilitatis, & speciminis loco perscrutemur, quid verum *Antiquorum Euphorbium*, videamusque num illud in hoc horto colatur.

Quæ sit illa planta verum *Antiquorum Euphorbium* fundens, in eo non conveniunt auctores, Dodonæus plantam pro *Euphorbio* proposuit, ejusque iconem & descriptionem exhibuit, quem sequitur Cl: Hermannus, & Cl: Commentatores in partem primam hujus horti Ruyschius & Kiggelarius: Lobelius plantam pro *Euphorbio* obtrudit, quæ *Cerei* est species, hunc nemo sequitur: Clar: Rajus, Dale, Brey-nius, Pluckenetius & Patruus *Scadida-calli* Malabarorum verum esse *Antiquorum Euphorbium* existimant; plures aliæ etiam plantæ existunt, & in hoc horto coluntur, quæ succum instar *Euphorbii* fundunt, atque hinc etiam *Euphorbia* vocari possent: Videamus itaque, priusquam inquiremus, quid verum sit *Veterum Euphorbium*, plantas illas, quæ talem de se succum fundunt, ut eo clarius vobis omnibus & singulis, quæ vera sit, pateat, & omnis dubitandi ansa auferatur.

B

Primo

Primo loco nobis occurrit illa, quæ a Malabarenfibus vocatur *Scadida-calli* & hoc nomine horti Malabarici parte secunda innotescit, *Euphorbii Antiquorum veri* titulo in notis ad eundem hortum, & in descriptionibus & iconibus horti Amstelædamensis a Patruo meo, & a Rajo in historia sua plantarum describitur.

Secundo loco sese offert illa, quæ a Zeylonensibus *Sadri* & *Sandri-Calli* & â Breynio *Euphorbio similis* vocatur, & a nemine, quod scio, describitur.

Tertia est illa planta, quæ in eodem horto Malabarico nomine *Ela-Calli* proponitur, & in horto Amstelædamensi nomine *Tithymali Indici arborescentis spinosi nerii folio* a Patruo describitur.

Quarta nova est species, & ab *Ela-Calli* differt, quod tota sit angulosa, atque hinc a me *Tithymalus aizoides arborescens spinosus caule angulari nerii folio* vocatur.

Quinta est, quæ *Tiru-Calli* a Malabarenfibus, & *Tithymalus Indicus frutescens* a Rajo & Patruo vocatur, atque hoc nomine cum prima & tertia loco citato describitur.

Sexta quintæ simillima est, & in eo duntaxat differt a præcedenti, quod in arborem nunquam excrescat, cætera conveniunt omnia.

Septima

Septima est illa, quæ a Dodonæo pro *Euphorbium fundente planta* proponitur, & ab eodem in pemptadibus, ac Patruo in horto Amstelædamensi describitur.

Octava est, quæ *Tithymalus aizoides fruticosus canariensis quadrangularis* vocatur, & a me in altera parte horti Amstelædamensis, capite centesimo quarto describitur.

Nona est quæ *Tithymali forte genus, planta Lactaria Africana, pini fructuum facie* a Breynio in utroque suo prodromo vocatur, & in Primo, ut & in horto Amstelædamensi a Patruo describitur.

Decima hæc nova etiam est planta & a me *Tithymalus aizoidis Africanus simplici squamato caule* vocatur.

Undecima hæc hæctenus etiam incognita est planta & mihi nomine *Tithymali aizoidis Africani simplici squamato caule chamænerii folio* innotescit.

Duodecima hæc nova etiam & non descripta, quam voco *Tithymalum Africanum aizoidem validissimis spinis ex tuberculorum internodiis* provenientibus.

Has plantas omnes cum synonymiis suis & homonimiis statim ipsius Methodi specimen ex-

hibiturus proponam; ut nunc itaque ad ipsius *Euphorbium Veterum* fundentis plantæ inquisitionem accedam, videndum est primo quid de eo Veteres nobis reliquerunt descriptum, & quibus attributis vera *Euphorbii* planta in Veterum scriptis innotescat, & deinde an harum statim demonstratarum ulli ea competant.

Dioscorides, Plinius & Galenus omnium Veterum primi plantæ *Euphorbium* fundentis meminere, eam quodammodo descripserunt, illiusque succi virtutem nobis reliquerunt descriptam; Dioscorides inquit arborem esse nascentem in monte Tmolo Maurisianorum; Plinius Acanthinis foliis spectari ait; Galenus Rajo teste arborem spinosam refert, quarum omnium plantarum (quas modo indigitavi, aut quæ hæcenus ab ullo Botanico sunt descriptæ) nulli hæc allata attributa magis conveniunt, quam illi, quæ *Scadida-Calli* a Malabarenfibus, ut dixi, vocatur, est enim arbor & in arboris excrescit altitudinem, spinosa est, & ejus folia juniora non inepte cum portione foliorum Acanthi comparari possunt, addamus denique, quod frustra ipsius *Scadida-Calli* inter *Euphorbium* Patruo e Barbaria sint allata, & quod ipse *Scadida-Calli* plurimas capsulas feminales inter gum-

gummi invenerit, & harum aliquas cum Clarissimo Breynio communicaverit, ut in secundo ipsius Breynii Prodromo videre licet; nec obstat *Scadida-Calli* in Malabaria crescere, *Euphorbium* e Barbaria in Europam transvehi, nam nullus dubito, quin etiam in Barbaria crescat; hoc vel ex eo liquet, quod ejus frusta & fructus seu capsulae feminales inter gummi ex Barbaria sint allata, denique constat experientia regiones calidiores longe distitas easdem producere plantas, Asia enim & America eadem magna satis quantitate producant plantarum species, atque hæc causa est cur Clar: Samuel a Dale in sua pharmacologia *Euphorbium* æque in India Orientali ac Mauritania provenire ait. Denique si vires & facultates medicas consideremus, illæ erunt eadem.

Euphorbium Veterum magna cum vehementia purgat, quare ejus usus internus non admodum securus est, & non nisi hydropicis robustioribus concedi potest, valide enim pituitam, validius aquam educit, ut Actuarius & Aetius, teste Matthiolo, concordēs asseverant, externe linimentis, quibus lumbricis laborantium abdomen illinitur, adjungitur, & prodest coxendicum doloribus, ut Dioscorides inquit: ita

etiam *Scadida-Calli* Malabarenfium externe applicatum necat vermes, intus sumptum valide purgat, & in doloribus Podagræ juvat. E quibus omnibus quid aliud sequitur, Auditores, quam hoc *Scadida-Calli* inter has omnes plurima possidere attributa, quæ ipsi *Antiquorum Euphorbium* fundenti plantæ competunt, hoc est, *Scadida-Calli* illam ipsam esse plantam, quæ Veterum fundit *Euphorbium*? Quis, inquam, mortalium hujus plantæ cognitionem sibi ausus fuisset polliceri? cum illa, nunc arbor a Dioscoride, Spinosa a Galeno, & Acanthinis foliis a Plinio spectari dicatur, nisi illa in hortis coleretur, nam descriptiones, quæ etiam si contradictionem includant nullam, & simul veræ esse possint, vix tamen sui cognitionis participes lectores suos futuros pollicentur; nos autem, qui jam ejus attributa audivimus omnia, quibus a Veteribus describitur, quæ omnia huic uni Malabarorum *Scadida-Calli*, nullique alteri plantæ competere vidimus, certo possumus concludere *Scadida-Calli* plantam esse fundentem *Veterum Euphorbium*, etiam si vel maxime Clar: Etmullerus plantam omnibus Botanicis incognitam scribat, & in eo dissentire auctores, an *arbor*, an *frutex*,
an

an *Ferula sit*, sed quinam? recentiores crediderim, qui ab omni plantarum exoticarum cultura & investigatione quam longissime abesse malunt, quam in iis vera Veterum simplicia quærere & invenire; scio equidem *fruticem* dicat a Dioscoride, sed quis Veterum *fruticem* dicat inveni neminem, scio & hoc quod secundum Dioscoridem *Ferulae* speciem habeat, sed quid inde? quam quod instar stipitis *Ferulae* in altum erigatur, singulis enim annis pleræque *Ferularum* species scapum producunt humanam altitudinem longe superantem, quare non inepte a Dioscoride dictum puto, quod *Euphorbium Ferulae* speciem habeat, nec hic Dioscoridis locus ullam in nobis dubitandi ansam excitare valet, nemo enim sibi persuadeat Dioscoridem his verbis *Euphorbium Ferulae* speciem dixisse, cum locus ille nihil aliud in se contineat, quam quod statim dixi, *Euphorbium* nimirum in altum instar *Ferulae* flores & semina producturæ erigi, & si vel maxime hoc demus Dioscoridem *Euphorbium Ferulae* speciem dixisse, illud modo dictis non refragatur, nam e quibus, quæso, principiis *Ferulae* speciem dixit *Euphorbium*? è notis characteristicis a fructificatione desumptis? hoc nemo sibi persuadeat, dum harum nunquam

quam Veteres meminerint: an e viribus & facultatibus? nec hoc aliquis putet, cum si vires *Euphorbii*, & *Ferulae* specierum ex ipso Dioscoride petantur, quam longe differant unicuique facile patebit: sed fortasse è succo, qui recens in *Ferularum* speciebus etiam albicat, suas notas desumpsit? nec hoc sibi quisquam imagine-tur, cum, si a succo lacteo *Ferulae* speciem dixisset, etiam *Scammonei*, *Apocyni* & *Tithymali* (cujus multas species libro quarto recenset, & cujus speciem summo jure *Euphorbium* dixisset) ejus speciem ut habeat necesse sit: an a facie aut similitudine quadam externa *Ferulae* speciem dixit *Euphorbium*, ejusque notas collegit? ne hoc quidem, cum nulla hætenus *Ferulae* species sit nota, aut innotuit, quæ spinosa, quod tamen etiam *Euphorbii* attributum est præcipuum: patet itaque evidentissime omnibus objectionibus repulsis plantam hanc verum Antiquorum *Euphorbium* fundere: sed cui, quæso, usui, cui bono hæc omnia, dum *Euphorbium*, qui hodie utuntur medici, distinctissimum sit a Veterum *Euphorbio*, ut Etmullerus in collegio suo pharmaceutico in Schroderum notat? dicam, quod, si vel maxime verum foret hodiernum a Veterum *Euphorbio* differre, illud
tamen

tamen esset utilitatis, ut scilicet nota illa Veterum *Euphorbium* fundente planta, facile nos etiam verum succum, qui plantæ loca natalia noscimus, nobis possimus comparare: dein nescio, quo jure hoc dicit Etmullerus, quia *Euphorbium* hodiernum omnia attributa possidet, quæ illi adscripsit Dioscorides, est enim orobi magnitudine, qualia plurima ejus grana sunt, translucens, si a pulvere externo grana purgentur, acre & cum levi gustu os accensum diu detinet.

Demonstrata genuina Antiquorum *Euphorbium* fundente planta, nihil jam aliud superest, quam ut breviter dicam hallucinari Cl: a Dale, qui tres diversissimas earumque nomina tanquam synonyma in sua pharmacologia confundit, nam *Scadida-Calli*, *Euphorbium Dodonæi* & *Tithymalus Africanus Spinosus cerei effigie ex codice Comptoniano Plukenetii* una ipsi eademque videtur planta, quæ tamen tres plantæ sunt toto cælo diversissimæ. Hactenus utilitatis, nunc methodi, quam mihi fervendam in demonstrandis exoticis proposui, specimen daturus, genera, quæ fructum gerunt tricoccum, explicabo, & breviter, quibus a se invicem queant distingui notis characteristicis, demonstrabo, earumque species recenserebo.

C

Plantæ

Plantæ *tricocce* a Botanicis dicuntur, quarum fructus seu capsulæ feminales tribus distinguuntur loculamentis, singulis unicum duntaxat semen continentibus, ita de *monococco*, *tetracocco* & *pentacocco* intelligendum.

Genera, quæ *tricocca* dicuntur, & quæ in hoc horto coluntur, sunt vel *Tithymalus*, *Ricinus*, *Paliurus*, *Chamælea*, *Tithymaloides*, *Ricinoides*, *Alaternoides*, *Acriviola* seu *Nasturtium Indicum*, & *Cor Indum* seu *Halicacabum*.

Tithymali species omnes flores habent vel tetra vel pentapetaloides, quæ tetrapetaloides gerunt flores, hos folia gemina perianthii loco circumstant, quæ pentapetaloides producunt, illæ omnes sunt succulentæ, sempervirent, & *aizoides* aut *Euphorbia* a rei herbariæ peritis vocantur, omnes tamen hæ plantæ tanta affinitate conjunguntur, ut ab invicem separari ullo modo nequeant, hos flores fructus five capsula feminalis sequitur tribus loculamentis totidem semina continens, his notis addi potest omnes *Tithymalorum* species, quacumque parte vulnerentur, succum fundere copiosum & lacteum.

Ricini florem habent apetalum, hoc est, imperfectum, plurimis scilicet staminibus ex calyce

ce surgentibus constantem, sed sterilem, embryones a floribus in eadem planta sejuncti in fructum abeunt tribus cavitatibus totidem semina continentem.

Paliurus florem gerit pentapetalum, seu, ut Tournefortius amat, rosaceum, cujus pistillum abit in fructum clypeiformem, qui intus officulum occultat, quod tribus loculamentis distinctis totidem nucleos seu semina continet.

Chamaelea florem habet tripetaloideum, cujus pistillum in fructum mutatur tricoccum ex tribus ossibus totidem nucleos continentibus compositum, fructus tamen unus alterve apparet aliquando in hac planta tetracoccus.

Tithymaloides florem habent monopetalum calceolum quendam referentem, cujus pistillum abit in fructum tricoccum.

Ricinoidis genus cum *Tithymaloidis* genere his nominibus omnium primus proposuit Cl. Tournefortius, florem habent *Ricinoides* rosaceum, hoc est, qui petalis constat plus quatuor in orbem positus, fructum gerunt in tres capsulas totidem semina continentem, & per maturitatem fissilem.

Alaternoides vocantur, quæ flore gaudent pentapetaloideo, fructum gerunt tricoccum, fronde

fronde gaudent perpetua, & lac fundunt nulum.

Acriviola, quæ & *Cardamindum*, *Viola acris*, *Violæ affinis* & *Nasturtium Indicum* vocatur, florem gerit violæ æmulum calcare donatum, hunc sequitur fructus rugosus per maturitatem a se invicem secedens, qui tribus thecis tria continet semina.

Cor Indum seu *Halicacabum peregrinum* florem producit polypetalum, quem fructus sequitur folliculatus, trigonus, tribus membranis intermediis in tres cavitates divisus, quæ singulæ semen continent unicum.

Species *Tithymalorum* sunt plurimæ, multæ in horto coluntur, nunc autem eas duntaxat, quæ exoticæ dicuntur, quæ in communi solo non crescunt, sed hybernaculis & hypocaustris servantur, & primo illas, quæ *aizoides* & *Euphorbia* vocantur, demonstrabo. Primo loco sese offert.

Tithymalus aizoides fruticosus Canariensis aphyllus, quadrangularis, & quinqueangularis spinis geminis aduncis atro nitentibus armatus. Hort. Amst. Part. 2. 207. *Tithymalus aizoides lactifluus, seu Euphorbia Canariensis quadrilatera & quinquelatera cerei effigie, ad angulos per crebra intervalla spinis rectis atro-*
nitent-

nitentibus, gasellæ cornua referentibus, armata Pluckenet. Phytogr. Tab. 320. Fig. 3. *Tithymalus quadrangularis spinosus*, seu spinis geminis aduncis ex eadem sede ortis armatus, succo lacteo acerrimo turgidus. Kiggelarii Hort. Beaumont. 41.

Tithymalus aizoides triangularis nodosus & spinosus lacte turgens acri. Pluckenet. Almagest. Botanic. 370. *Tithymalus indicus spinosus & angulosus lacte turgens acri* Kiggelarii Hort. Beaum. 41. *Euphorbium Indicum Opuntiae facie*, caule geniculato triangulari Breyn. Prod. 2. 44. *Euphorbium verum* J. Commel. in Not. ad. Hort. Malab. Part. 2. 82. *Euphorbium verum antiquorum* Raji Hist. 873. *Scadida-Calli* Hort. Mal. p. 2. 81. hunc *Tithymalum* pro varietate præcedentis duntaxat habet Pluckenetius, sed perperam, cum species sit diversissima, & toto, ut ajunt, cælo ab illo discrepat, ut vestrum quisque videre potest.

Tithymalus aizoides triangularis & quadrangularis nodosus & spinosus, ramis compressis. Nobis. *Euphorbium triangulare ramis planis compressis opuntiae facie*, & *Euphorbio similis Sadricalli Indorum* Breyn. Prod. 2. 44. *Rangiferi cornua referens planta Zeylanica*. Sandri-Calli Zeylonensium Parad. Bat. Prod. 368.

Tithymalus aizoides arborescens spinosus, caudice rotundo, nerii folio. Nobis. *Tithymalus Zeylanicus spinosus arborescens* Parad. Bat. Prod. 381. & Pluckenet: Phytogr. Tab. 230. Fig. 4. *Tithymalus arborescens spinosus Zeylanicus foliis Laurinis* Herman. Catalog. post Parad. Batav. *Euphorbio* & *Tithymalo media affinis aizoides Indica arborescens spinosa*, nerii folio Breyn. Prod. 2. 45. *Euphorbium secundum hactenus ignotum* J. Commelin. in Not. ad Hort. Malab. p. 2. 84. *Ela-Calli* Hort. Malab. p. 2. 83.

Tithymalus aizoides arborescens spinosus caudice angulari, nerii folio. Nobis. An *Tithymalus amboinensis*, *Ligularia Rumphii Hermannii* Catalog. post Paradis. Batavum?

Tithymalus Africanus aphyllus angulosus & *spinosus*, flore pallido J. Commel. Catal. Hort. Amst. 351. *Tithymalus mauritanicus aphyllus angulosus* & *spinosus*, ex quo *Euphorbium officinarum* Herm. Cat. Hort. L. 598. *Euphorbium cerei effigie*, caulibus crassioribus, spinis validioribus armatum Breynii Prod. 2. 45. *Euphorbium Dodonei*, *Lobelii* B. Pin. 387. *Euphorbium vulgo sed falso creditum* Raji Hist. 872.

Tithymalus ramosissimus frutescens, pene aphyllus Parad. Bat. Prod. 381. *Tithymalus Indicus*
fru-

frutescens Raji Histor. 1710. *Tithymalus arborescens*, *caule aphylo* Pluckenet. Almag. Botan. 368. *Tiru-Calli* Hort. Mal. P. 2. 85.

Tithymalus ramosissimus non frutescens pene aphyllus. Nobis. *Felfel Tavit* Alpin. Pl. Ægypt. 96. *Felfel Tavit seu Piper longum Ægyptium* Vesling. Observ. 34. differt hæc planta à præcedente, quod caules varii ex eadem radice proveniant, & vix trium pedum altitudinem acquirant, quum planta præcedens unicum duntaxat truncum ex radice protrudat, & in fruticem decem pedibus altiore excreseat, cætera conveniunt omnia.

Tithymalus aizoides Africanus pini fructuum facie. Nobis. *Tithymali forte genus planta Lactaria pini fructuum facie* Breyn. Prod. 2. 100. Prod. 1. 44. *Planta Lactaria Africana* Hort. Amstel p. 1. 33. hanc plantam Cl. Pluckenetius cum suo *Tithymalo Africano arborescente*, *squamato caule spinoso*, quem Phytographiæ Tabula 230. Fig. 5. exhibet, confundit, quocum nullam habet affinitatem, spinosus enim est *Tithymalus* Pluckenetii, hic non item, folia Plantæ Pluckenetianæ magna sunt admodum, ut quadruplo equidem hanc nostram superent.

Tithymalus aizoides Africanus simplici squamato caule. Nobis.

Ti-

Tithymalus aizoides Africanus simplici squamato caule Chamænerii folio. Nobis.

Tithymalus aizoides Africanus validissimis spinis ex tuberculorum internodiis provenientes. Nobis.

Tithymalus Canariensis frutescens Linariæ foliis Hort. Amstel. p. 2. 209. Tithymalus dendroides Linariæ foliis ex Insula Canaria Pluckenet. Phytogr. Tab. 319. F. 5.

Tithymalus arboreus Americanus Cotini folio Hort. Amst. P. 1. 29. Tithymalus Curassavicus folio Cotini Massinilia Sylvestris Parad. Bat. Prod. 381. Tithymalus Surinamensis arborescens Cotini sive Coccigriæ foliis & facie Breyn. Prod. 2. 100. Tithymalus Curassavicus folio Cotini triphyllos, petalis flosculorum serratis Pluckenet. Almag. Bot. 369.

Tithymalus dendroides ex codice cæsareo Dodo-nei 372.

Tithymalus Americanus sive Peplis major Brasiliensis flosculis albis Raji Hist. 870. J. Commel. Cat. Hort. Amst. 351. Caacica Marggr. 15.

Tithymalus Americanus Fici foliis urens. Nobis. Ricinus Tithymaloides Americanus lactescens & urens floribus albis. Parad. Batav. Prod. 370. Hort. Amst. P. 1. 19. Ricinus lactescens Fici foliis spinis mordacibus armatus Pluckenet. Phytogr. Tab.

Tab. 220. Fig. 3. *Ricinus humilis lactescens*, fici foliis, flore lacteo pentapetalo, caule, foliis & capsulis seminalibus spinulis urticarum more pungentibus armatis. Banisteri. Manihot Americana spinosissima, folio vitigineo Plumerii Tournef. institution. rei Herbar. 658. Frutex pungens & urens. Marggr. 79.

Tithymalus characias amygdaloides foliis eleganter variegatis. Herman: Fl. Lugd. Bat. Fl. edit. alt. 115.

Omnes Tithymalorum species sive Aizoides aut Euphorbia dicantur, sive minus sint succulenti, valide per inferiora purgant.

Ricinorum species sunt.

Ricinus vulgaris B. Pin. 432. J. Bauh. l. 3. 642.

Ricinus Dod. Pempt. 367.

Ricinus Africanus maximus caule geniculato rutilante H. Reg. Par. 127. *Avanacu* seu *Catu Avanacu* Hort. Mal. 2. 57.

Ricinus Indicus maximus caule geniculato totus ruber Herman. Cat. 525. *Ricinus vulgaris major* Raji Hist. 1710. *Pandi-Avanacu* H. Mal. 2. 60.

Ricinus Americanus major caule virescente Hort. Reg. Paris. 127.

Omnes Ricinorum species valide purgant, datur tamen species in Horti Malabarici parte se-

D

cunda

cunda descripta nomine *Codi-Avanacu*, quæ fluxibus sistendis proficua est, & vires debiles reparat.

Chamæleæ unicam speciem hætenus possidet hortus, quæ vocatur.

Chamælea Tricoccus B. Pin. 462. J. B. 1. 584.
Chamælea Dod. Pempt. 363.

Purgat Chamæleæ succus, sed lente, ad drachmam & duas, etiam per se, aut aliis admixtum cathartîcis perbono eventu sæpe exhibuit J. Bauhinus.

Paliuri unica etiam duntaxat species colitur, vocaturque.

Paliurus Dod. Pempt. 756. *Rhamnus* & *Paliurus folio jujubino*. J. Bauhin. 1. 35. *Rhamnus folio subrotundo, fructu compresso*. B. Pin. 479.

Folia & radices Paliuri Ventrem fluentem cohibent, fructus e contrario incidunt, calculos vesicæ comminuere, & pectoris pulmonisque excretionibus auxiliari dicuntur.

Tithymaloidis unica etiam species mihi nota est, & in horto colitur, quæ pro vario auctore varium quoque sortita est nomen, & dicitur.

Tithymaloides frutescens folio myrti amplissimo.
Tournef. Inst. rei Herb. 564. *Tithymalus frutescens Americanus myrtifolius, flore difformi rubicun-*

bicundo J. Commel. Cat. Hort. Amst. 350. *Tithymalus Curassavicus myrtifolius*, flore papilionaceo, coccineo, parvo. Parad. Bat. Prod. 381. *Tithymalus* (vel *Tithymalo* affinis, seu similis) *aphyllus dictus major Indicus latifolius* flore sanguineo, aviculæ capitulum representante Breyn. Prod. 2. 100. *Tithymalus Curassavicus myrtifolius* flore coccineo mellifero Parad. Batav. 254. Nullam cum Apocynorum speciebus affinitatem habet hæc planta, ut dubitat Pluckenetius Almag. Botanic. 319. quum semina cum propendente lanugine imbricum modo stylo nutritivo incumbentia in filiqua unicapfulari univalvi non gerat, sed tricapsularis & tricocca sit, & præter succum lacteum nihil habeat cum Apocyni speciebus commune.

Ricinoidis species, quæ nunc in horto coluntur, sunt.

Ricinoides Americana Gossipii folio Tournef. Instit. rei Herb. 556. *Ricinus Americanus major*, semine nigro. B. Pin. 432. *Ricinus major Americanus*, *Curcas dictus*, & *Faba purgatrix Indiae occiduae* J. Bauh. 3. 643. *Munday-guacu*, sive *Nux cathartica Americana* Pison. 179. *Mundubiguacu* Marggr. 96.

Ricinoides arbor Americana, folio multifido

Tournef. inst. rei Herb. 556. *Ricinus Americanus tenuiter diviso folio* Breyn. Cent. 1. 116. *Avellana purgatrix* B. Pin. 418. *Avellana purgatrix novi orbis* J. Bauh. 1. 322.

Ricinoides Americana staphidis agræ foliis, flore purpureo. Nobis. *Ricinus Americanus perennis floribus purpureis staphidis agræ foliis* Hort. Amst. P. 1. 17. *Ricinus Brasiliæ perennis, flore purpureo, folio staphidis agræ nonnihil simili.* Par. Bat. Pr. 369. an *Ricinoides Americana staphis agræ foliis* Tournef. Inst. rei Herb. 556? *Ricinus Americanus folio staphis agræ* B. Pin. 432?

Ricinoidum species fortasse etiam omnes per inferiora purgant, primam tamen & secundam purgare, vel ipsa earum synonyma satis indicant.

Alaternoidum species, quas hortus noster alit, omnes Africanæ sunt, & circa Promontorium Bonæ spei suapte proveniunt, & sunt.

Alaternoides Africana ericæ foliis, floribus albicantibus & muscosis. Hort. Amst. p. 2. 1.

Alaternoides Africana Telephii legitimi Imperati folio, flore viridi. Hort. Amst. 2. 3.

Alaternoides Africana Chamæespili folio rigidiore & minore, floribus albicantibus. Nobis.

Alaternoides Africana Rorismarini latiore & philosiore folio. Nobis.

Ala-

Alaternoides Africana Lauri serratæ folio. Nobis.
Alaternus Hysicanensis seu Africana Lauri serratæ
odoratæ Stapelianæ foliis Kiggel. Cat. Beaum. 3.
 Pluckenet. Phytogr. Tab. 126. Fig. 1.

De Alaternoidum viribus nihil constat, quum
 plantæ sint novæ, earumque vires a nemine, quod
 sciam, sint descriptæ.

Acriviola species quatuor alit hortus, quæ
 sola magnitudine & floris colore variant, quæ
maxima vocatur, *duplex* est, *florem* vel gerit
luteum, vel *sulphureum*, quæ *minor* vocatur etiam
duplex est, & *flore* quoque gaudet vel *luteo* vel
sulphureo; notandum hoc genus tot ferme nomi-
 na mutuatum esse, quot illius fere meminerunt
 auctores, nam *florem sanguineum* vocat Mo-
 nardus capite LXIX. *Pelon Mexixquilitl*, *Pelon*
Chilly seu Nasturtium Pervinum Recchius, &
 Joannes Terentius in notis ad eundem *violæ*
speciem facit pag. 161. & 162, quem Hermannus
 in catalogo Horti Academici 628. & Pluckene-
 tius in Almagesto Botanico 388. sequuntur:
Violæ affinem dicit Breynius Prod. 2. 103: *Nastur-*
tium Indicum uterque Bauhinus & plurimi alii.
Cardamindi nomine Tournefortius in utraque e-
 ditione institutionis rei herbariæ 341. 430. pro-
 ponit, quem sequitur Rivinus Ord. Plantar. ir-

regular. pentapet 24. *Acriviola* in tabula phytosophica duodecima Frederici Cæsii vocatur, quem sequitur Volckamerus Flor. Norimberg 11. a quo nomine etiam non est alienus Rivinus loco citato. Omnia synonyma collegit Pluckenetius in Almagesto suo Botanico pag. 388. 389.

Acriviola flores & semina in acetariis usurpantur, flatus intestinorum discutiunt. Scabiem contumacem & malignam curare auctor est Simon Pauli.

Corindi unicam speciem alit hortus, quæ vocatur.

Corindum ampliore folio, fructu majore Tournef. Institut: rei herb. 431. *Pisum vesicarium, fructu nigro alba macula notato* B. Pin. 343. *Halicacabum peregrinum multis, sive Cor-Indum* J. Bauh: 2. 173. *Halicacabus* Dod. Pemptad. 455.

De *Corindi* viribus altum est apud auctores silentium.

Exhibito tum utilitatis tum methodi specimine, demonstrationes exoticarum, dum anni tempus eas diutius continuare vetet, proxima æstate auspicabor, earumque integram, Deo vitam & vires largiente, dabo historiam, volui tamen eas hoc autumno auspicari, tum ut Nobiliss. & Ampliss. Proceribus, qui hoc tempore hanc provinciam mihi demandarunt, morem gererem, tum ut & utilitatis & methodi specimine, exhibito, instituti mei essetis participes. Diu-

Dluturni silentii, Auditores eruditissimi, quo præteritâ hyeme usus sum, finem attulit hodiernus dies, dies ille, quo redierunt jam gramina campis arboribusque comæ, quo cælo favente stirpes ex altero orbe petitæ magis magisque huic nostro assuescere climati, & ex hybernaculis velut in campum se transferri patiuntur: Dies hicce est, quo publicas exoticarum plantarum demonstrationes hac æstate habendas exordiar: quid, quæso, nunc erit convenientius? quam ut in harum exordio hac horâ Botanices studii dulcedinem & jucunditatem demonstrem, ut his ipsis allekti erga hoc studium fervore capiamini, ut hujus studii amœna subiecta intelligentes huic ipsi operam detis, atque adeo ejus jucunditate cum utilitate conjuncta frui impellamini.

Quid quæso humano generi acceptius, quid illi jucundius potest existimari, quam continuus eorum aspectus, & seria eorum investigatio, quæ primo homini contemplanda voluit divinum Numen? nihil enim jam vix creato homini convenientius, jucundius hoc ipso nihil

hil Omnipotentis divina judicavit Sapiencia, quam ut ipse vix creatus Adam, non immemor fui Creatoris & hæc oblectamenta divina, Paradisum putate arboribus elegantioribus feracissimum, fructibus & oculo & menti gratissimis abundantem, videns, Creatorem continuo cole-ret atque veneraretur: mortali enim nihil potest esse dulcius, quam quod sui ingenii aciem ad cognitionem & cultum divini Numinis acuit & incitat; nam, etiamsi vel maxime omnia, quæ pulcerrimo hoc, quæ vastissimo hujus universi orbis ambitu continentur, summi Creatoris numquam venerandi & laudandi satis majestatem abunde declarant atque extollunt, me tamen judice in re ferme nulla laudandam magis venerandamque sese uberius ostendit, quam in innumeris ac maxime variantibus telluris muneribus, sive diversas & sapienter admodum ordinatas plantarum structuras, radicum putate, foliorum, florum, fructuum, sive diversos in iis ex eadem tellure provenientiibus contentos succos, sive ipsas, quas humano generi præstant virtutes & commoda, humano generi, si quidquam aliud, certe hæc utilia & necessaria, respiciamus, nam

Cunctis

*Cunctis planta suis numen demonstrat in hortis,
 Præsentemque refert quælibet herba Deum.
 Emicat ex ipsis divina potentia campis,
 Et levis est cespes, qui probat esse Deum.*

Coruscent in cælis fydera, atque ipsorum luminis splendore & ordine haud mutabili sed constanti omnem humanæ mentis aciem transcendant longe, dignitatem tamen aut jucunditatem non minorem plantarum venustas & pulcritudo ipsi tribuunt telluri, ac sidera cælis. Existat homo, creatorum omnium se præstantissimum gloriatur, sine his ipsis se in hac tellure vix posse existere, illas ipsas sibi rerum creatarum jucundissimas & maxime necessarias fateatur necesse est.

Quid dulcius, quid suavius excogitari potest illa amæna diversicolorum florum contemplatione? quam jucunditatem ex Amarantorum, Hæmanthi, Leoneuri Africani, Iridum, Anæmonum, Ranunculorum, aliorumque plurimorum floribus elegantissimis æstate videntes non percipimus? & amœnis gratisque eorum coloribus oculos nostros non pascimus? Qua dulcedine & suavitate Hyacinthorum, Liliorum, Narcissi
 E Hexa-

Hexagoni Americani & Ceylonensis aliorumque suaveolentium flores nos non afficiunt & recreant, & odoribus suis fragantissimis nares nostras non delectant? sed quid pluribus hæc demonstrare conor! ipsa Lilia convallium, quæ neque nent neque fatigantur, illa tamen pulcra sunt admodum, ut nec ipse Salomon in omni sua gloria amictus fuerit quasi unum ex istis, ut Divinum testatur Oraculum.

Quid, quæso, nobis acceptius esse potest, quam quod ubique terrarum, sive altissimos ascendamus montes, vel profundas valles ingrediamur, sive quod littora, agros, nemora, dumeta perreptemus, ex continuo earum nobis obviam venientium conspectu jucunditate afficiamur maxima? nam stirpium notitia edoctis non potest esse earum occurfus non gratissimus, præsertim si ante non visa occurrat, quæ non minori nos afficit gaudio, ac si ingentem thesaurum reperissemus: hac scientia instructi terrarum nullibi soli esse videbimur, aut nos temporis tædebit, habemus enim quibuscum quasi confabulari queamus; earumque vires si nobis innotescant, hæ ipsæ statim in memoriam rediguntur; si occurrentes non ante vidimus, illæ ipsæ suis characteribus sui notitiam nobis impertiunt, nobis qua sub
classe

classe militent, cui generi aut familiæ adscribi aut conjungi debeant, indicant; cognitis classe, familia & genere ilico in nobis virtutum quodammodo excitatur cognitio, maximam certe illarum investigandæ virtutis in nobis oriri spem percipimus.

Vires earum & facultates si habeamus perspectas, si quid emolumenti, quid commodi misero humano generi afferant, considerare mus, nihil quidquam rerum creatarum existere fatendum est, quod nos majori jucunditate afficere, aut recreare possit; dic, quæso, quid acceptius, quid gratius humano generi, quam quod simul utilissimum eique maxime necessarium, fingi potest? nam sicuti mulieri & omni fœmellæ fontes lactis sub partum scaturiunt, ut recentes fœtus rigentur alimentis necessariis & convenientibus, ita & terrestrium animalium matri terræ omnes stirpium species attribuit divina sapientia, ut cognatis non alienis cibis partus ejus uterentur, ut infirmitatibus aut morbis affecti ex his ipsis medicinam peterent: quam assertionem tantæ esse veritatis edocuit experientia, ut nulla tam infelix aut infœcunda tellus inveniatur, quæ salubre non afferat medicamen, quæ pro expellendis morbis endemiis medicinam non porrigat.

Quid aliud, quæso, Auditores, ad stirpium notitiam & culturam impulisse putatis, Cæsares, Reges, Principes, Magnates aut fortunosos, quam unica illa jucunditas cum utilitate conjuncta? atque adeo ut Diocletianus Imperator throno & sceptro relictis, postquam annis viginti duobus res magnas gessisset, Salonicae ruri vitæ reliquum egerit. Evax Rex Arabum, Plinio teste, de simplicium effectibus tractatum ad Neronem scripsit, herbarum effigies pinxit, atque earum effectus subscripsit. Antonius Castor centenario major nullum corporis malum expertus plantas plurimas Plinii tempore alebat; nec etiam defuerunt, qui a se inventis & exploratis plantis sui appellationem indiderunt: Quid multis? ipse Regum omnium sapientissimus Salomon de Cedro Libani ad Hyssopum, qui de pariete egreditur, differuit, hoc est ab herba minutissima ad altissimas celsissimasque arbores usque omnes habuit cognitatas & exploratas. Sed quid de illis commemoro, qui ferme temporis longinquitate oblivioni sunt dati? fuerunt etiam Magnates, fuerunt fortunati nostris temporibus, & adhucdum existunt, qui hujus studii amœnitate & dulcedine allekti magnis sumptibus hortos ingentes omni plantarum gene-

genere feracissimos exstruxerunt: non Bevernigianos, Fagelianos, Beaumontianos, aliorumve Batavorum hortos recensebo, aut longe abhinc diffitos ut hujus veritatis testimonia adducam, veritatem hanc, præter hortos publicos Magnatum sumptibus in publicam utilitatem exstructos, ingentes illi Horti Regii Hamtonienses in Anglia, & Honslaerdicenses in Hollandia satis superque demonstrant.

Poteritne jam, Auditores, studium aliquod suavius aut dulcius hoc ipso Botanices excogitari? cujus objecta illa ipsa sunt, quæ homini jam vix creato & sui Creatoris imaginem perfectissimam adhucdum possidenti contemplanda voluit D. O. M., cujus objecta diversissima & multiplicia Creatoris universi nobis notitiam & cultum impertiunt; cujus objecta pulcra & accepta sunt admodum, ut his ipsis nihil pulcrius, nihil acceptius aut oculis nostris videre, aut naribus nostris haurire queamus: cujus objecta etiam in remotissimo telluris angulo & sui & virium, quas possident, cognitionem quasi indicant: cujus objecta nobis admodum sunt necessaria, ut sine his ipsis in hoc mundo nec vivere, nec semel amissam sanitatem recuperare possimus.

Volui, Auditores, hanc studii Botanices ju-

cunditatem in præliminio nostrarum demonstrationum ostendere, ut vos ipsi, qui præterito autumno exoticarum stirpium demonstrationum a me audivistis utilitatem, nunc etiam Botanices studii jucunditatem perciperetis, fore ut si non harum alterutra ad hoc studium, saltem utraque impellamini.

Videamus nunc, Auditores, pulcerrimas gratissimasque illas plantas, quæ unico nomine generico *Aloes* innotescunt: videamus hac lectione quam ingenti maximoque numero his ipsis superbiat orneturque hic hortus, quum numerum æqualem diversarum specierum *Aloes* nullus unquam hætenus aluerit. Quum vel versatissimus in hac scientia (etiamsi vel maximam telluris partem peragraverit) totidem *Aloes* species sua vita non viderit, vel aliquis Botanographus scriptis reliquerit.

Dignoscuntur *Aloes* species a congeneribus, quod flore gaudeant monopetalo & in sex, rarissime quinque, profundas lacinias diviso, nunc è ramulis aut spica dependente, nunc in horum alterutris erecto. Florem sequitur fructus oblongus cylindraceus in terna divisus loculamenta, quæ semina plana continent. Fructus vel ex ipso stylo nutritivo post floris exanthesi
ori-

oritur, aut una cum flore prodit, & huic ipsi flos infidet. Radice sustentantur vel fibrosa vel tuberosa. Folia plerumque sunt succulenta & in orbem congesta. Harum quædam, ubi semel floruerint, singulis annis caulem unicum vel plures producant, qui floribus suæ speciei convenientibus ornantur, ut in *Aloe vulgari* & plerisque *Africanis speciebus* videre est. Quarundam vero singulis annis folia successive explicantur e medio veluti cornu abscedentia, vestigiis quibusdam sui relictis aut nunquam aut rarissime oblitterandis, ac si de industria picta essent, hæ autem nunquam flores producant, nisi omnibus explicatis foliis, ut in *Aloe Americana muricata* J. Bauh. patet, quæ anno 1698. Lugduni Batavorum in Horto Academico, & Lipsiis in Horto Bosiano 1700. ante Biennium floruit.

Asiaticæ sunt aliæ, aliæ Americanæ, quarum una in Asia, America & etiam in calidioribus Europæ partibus crescit, aliæ & omnium plurimæ in Africæ parte, quæ Promontorium Bonæ spei audit, cæteræ species in illa Africæ parte, quæ Guinea dicitur, inveniuntur.

Aloe Vulgaris B. Pin. 286. & Moris. Hist. 417. qui tamen eandem in iconibus vocat *Aloem Arabicam serotinam vulgarem officinarum* Section. 4.

T. 22.

T. 22. *Aloe Dioscoridis* a Colum 40. *Aloe* a J. B. T. 3. 701. aliisque vocatur, *Kadanaku* vel *Catevala* Hort. M. 11. 7.

Aloe Vulgaris foliis angustioribus & magis glaucis. Nobis.

Aloe Guineensis Caballina vulgari similis, sed tota maculata. Nobis. Caballinam hanc voco, quia fractis foliis succus Aloen Caballinam redolet.

Aloe succotrina angustifolia spinosa, flore purpureo Breyn. Prod. 2. 12. *Aloe Indiae Orientalis serrata, sive succotrina vera, floribus phæniceis* Kiggel. Catal. Beaum. 5. *Aloe Americana serrata floribus coccineis.* Parad. Bat. Prod. 306. *Aloe* hæc non est Americana, etiamsi Americanam Hermannus in Parad. Bat. Prod. dixerit, dum illam omnium primus ex India Orientali accepit Vir Nobilissimus S. a Beaumont Nobiliss. & Præpotent. Dominis Ordinibus Hollandiæ & Westfrisiæ a Secretis, qui illam cum hoc & aliis hortis communicavit.

Aloe Zeylanica pumila foliis variegatis Parad. Bat. Prod. 306. *Aloe pumila serpentaria Zeylanica* Breyn. Prod. 2. & in parte altera hujus horti describitur.

Aloe Americana muricata J. B. T. 3. 701. *Aloe folio in longum aculeum abeunte* B. Pin. 286.

Aloe

Aloe mucronato folio Lob. *Aloe Americana* Clus. & aliis.

Aloe Americana minor Muntingii Aloid. 12.

Aloe Americana ex Vera Cruce foliis latioribus & glaucis Kiggel. Cat. Hort. Beaum. 4. *Aloe Americana foliis cæsis latioribus* Parad. Bat. Prod. 305. Hanc cum præcedente non esset confundendam capite decimo sexto alterius partis Horti Amstelædamensis, cum hanc describerem, demonstravi, & in descriptione *Aloes Americane minoris* Muntingii post hæc præludia exhibenda demonstrabo.

Aloe Americana ex Vera Cruce foliis angustioribus minus glaucis Kiggel. Cat. Hort. Beaum. 4.

Aloe Americana foliis viridioribus & angustioribus Parad. Bat. Prod. 305.

Aloe Americana viridi rigidissimo & fætido folio, Piet dicta indigenis Kiggel. Cat. Beaum. 5. *Aloe Americana tuberosa fætida major* Parad. Bat. Prod. 306. *Aloe Americana levis latissimo folio splendente* J. Commel. Cat. Hort. Amst. 15.

Aloe Americana tuberosa minor spinosa Parad. Batav. Prod. 306. Binæ hæ *Aloes* species parte altera Horti Amstelædamensis describuntur.

Aloe Americana sobolifera Herm. Catal. H. Lugd. Bat. 16.

Aloe Americana juccæ foliis arborescens Kiggel. Cat. Beaum. 5. *Aloe juccæ foliis caulescens* ex Vera Cruce Parad. Bat. Prod. 306.

Aloe Americana draconis folio serrato Nobis. *Aloe Americana non spinosa glabra silckgras* Barbadosium Kiggel. Cat. Beaum. M. S. An *Aloe juccæ foliis* Sloane Cat. Plant. Jamaic. 118?

Aloe Africana arborescens montana non spinosa, folio longissimo plicatili, flore rubro Hort. Amst. Part. 2. 5.

Aloe Africana caulescens foliis glaucis caulem amplectentibus Hort. Amstel. Part. 2. 27.

Aloe Africana caulescens, foliis magis glaucis, caulem amplectentibus, & in mucronem obtusorem desinentibus Nobis.

Aloe Africana caulescens, foliis minus glaucis, caulem amplectentibus, dorsi parte suprema spinosa Nobis.

Aloe Africana caulescens, foliis glaucis, caulem amplectentibus, latioribus & undiquaque spinosis Nobis.

Aloe Africana caulescens, foliis glaucis, caulem amplectentibus, & dorso integro spinoso Nobis.

Aloe Africana caulescens, foliis glaucis brevioribus, caulem amplectentibus, foliorum parte interna & externa nonnihil spinosa Nobis.

Aloe

Aloe Africana caulescens, foliis glaucis brevissimis, foliorum summitate interna & externa nonnihil spinosa Nobis.

Aloe Africana caulescens perfoliata glauca & non spinosa Nobis.

Aloe Africana caulescens foliis spinosis maculis ab utraque parte albicantibus notatis Hort. Amstel. p. 2. 9.

Aloe Africana flore rubro, folio maculis ab utraque parte albicantibus notato Hort. Amstel. p. 2. 15.

Aloe Africana flore rubro, folio triangulari & verrucis ab utraque parte albicantibus notato Hort. Amstel. p. 2. 17.

Aloe Africana folio in summitate triangulari margaritifera, flore viridi Hort. Amstel. p. 2. 19.

Aloe Africana folio in summitate triangulari margaritis varioribus obsita Nobis. Hæc Aloes species a nemine hætenus est descripta, nullaque hanc inter & præcedentem intercedit differentia, quam quod pauciores appareant margaritæ in singulis foliis, cætera ut foliorum magnitudo, figura & flores exacte respondent omnia.

Aloe Africana margaritifera minor Hort. Amst. p. 2. 21.

Aloe Africana margaritifera minima Nobis. Hæc species a præcedente foliorum & margari-

tarum parvitate duntaxat variat, cum ambo multo sint minora.

Aloe Africana foliis glaucis margine & dorsi parte superiore spinosis Hort. Amstel. part. 2. 23.

Aloe Africana foliis glaucis margine & dorso integro spinosis Hort. Amstel. p. 2. 25.

Aloe Africana brevissimo crassissimoque folio, flore subviridi Hort. Amstel. p. 2. 11.

Aloe Africana foliis glabro & rigidissimo, flore subviridi Hort. Amstel. p. 2. 13.

Aloe Africana glabro folio minutissimis cavitatibus notato Nobis.

Aloe Africana humilis spinis inermibus & verrucis obsita Nobis.

Aloe Africana humilis arachnoidea Nobis.

Aloe Africana humilis, foliis ex albo & viridi variegatis Nobis.

Aloe Africana humilis, folio nonnihil reflexo, floribus ex albo & rubro variegatis Nobis.

Aloe Africana humilis folio in summitate quasi triangulari & rigidissimo, utroque margine albicante Nobis.

Aloe Africana erecta triangularis & triangulari parvo folio Nobis.

Aloe Africana erecta rotunda, folio parvo & in acumen rigidissimum exeunte Nobis.

Aloe.

Aloe Africana folio triangulo longissimo & angustissimo, floribus luteis fœtidis Herm. Cat. Hort. Lugd. Bat. 18. *Iris uvaria Promontorii bonæ spei* Bod. a Stapel. in Theophr. 335. *Iris uvaria flore luteo* Breyn. Prod. 2. 59. Hanc genuinam esse *Aloes* speciem ejus semina, mihi ante biennium nomine *Aloes aquaticæ* missa, me certiores fecerunt.

Aloe Africana arborescens floribus albicantibus fragrantissimis Hort. Amstel. 2. 7. *Aloe Africana arborescens* Hort. Amstel. p. 1. 93. Kiggel. Catal. Beaum. 5.

Aloe Guineensis radice geniculata, foliis e viridi & atro undulatis variegatis Hort. Amstel. p. 2. 39. *Anonymos Guineensis, Aloes foliis geminatis, e viridi & atro undulatis variegatis, floribus rubicundis Apocyni floribus Lili Convallium Dodartii similibus* Kiggel. Catalog. Beaumont. 8.

Recensitis indigitatisque *Aloes* speciebus, præterire *Yuccam* non possumus, quin eam demonstramus, cum easdem cum *Aloes* speciebus habeat notas characteristicas, atque hinc etiam merito *Aloe* vocari possit, dicitur.

Yucca Aloe foliis B. Pin. 91. *Yucca nova gloriosa elata planta* Lobel.

Etiam si variæ *Aloes* species existunt, quæ succum fundunt amarum, harum tamen unica est, quæ *Aloes vulgaris* a C. Bauhino, *Dioscoridis* a

Fabio Colomna, *Arabica Serotina Officinarum* a Morifono vocatur, & ab omnibus Botanicis *veram Aloem* fundens planta existimatur, cujus succus concretus in officinis pharmaceuticis Græco Latinoque *Aloes* nomine innotescit, & hoc ipso nomine a Veteribus describitur; Arabes, Persæ & Turcæ, annotante Garcia ab Horto, *Cebat* vocant, etiam si *Laber* a Serapione, sed interpretis errore, ut notat J. Bauh., dicatur.

Hic succus triplex est, vel *Aloe succotrina* (quæ & *Lucida* dicitur) *Hepatica* vel *Caballina* vocatur, quæ sola duntaxat puritate impuritateve, ut plurimorum est opinio, differunt; omnium purissima est *succotrina*, quod nec ego inficior, sed aliquam tamen dubitandi ansam geminæ aliæ *Aloes* species statim indigitatæ exhibent, ut *Aloe succotrina angustifolia spinosa flore purpureo* Breynii, & *Aloe Guineensis Caballina vulgari similis, sed tota maculata*; dum prioris succus recens saporis odorique *Aloes succotrinæ*, alterius autem *Aloes Caballinæ* respondet, adde denique *Aloem Caballinam* officinarum à fœtore illo ingrato, quem spirat, nullo artificio aut lotionem liberari posse, quod factum meo iudicio non esset difficile, si sola impuritate a *succotrina* differret: nullus tamen etiam dubito, quin ex
variis

variis *Aloes* speciebus, succum amarum continentibus, succus *Aloes vulgaris* succo similis, & quo ad vires respondens, colligi possit.

Hujus succi conficiendi methodum plurimi descripserunt, de qua Cl. Rajus consuli potest.

Ufus ejus est vel internus vel externus. *Aloe* interne sumpta purgat, obstructions aperit, ventriculum roborat, lumbricos necat, hæmorrhoidum mensiumque fluxum promovet, quare hæmorrhagia aliqua laborantibus non sine incommodo propinatur.

Externe admota exsiccat, venarum ora claudit, sanguinem sistit, vulnera recentia, & quæ ad cicatricem vix perducì possunt, conglutinat.

Folia ipsius plantæ concisa cum sale cocta Cambajæ Incolis & ipsi Regi pro medicamento purgante propinantur. Plantam tusam & cum lacte mixtam ulcere renum & vesicæ laborantibus, aut purulentas urinas excernentibus magno cum successu & ægrorum commodo propinant Goæ medici, nam ilico annotante Garcia ab Horto curantur.

Aloe Americana muricata quidquid vitæ esse potest necessarium, facile præstare valet, si rebus humanis modus esset, ut inquit Hernandez, qui consuli potest in historia sua Plantarum Mexicanarum capite duodecimo libri octavi.

Aloes

Aloen Americanam minorem Muntingii omnes febres tollere, si mensura quatuor cochlearium succi hujus *Aloes* exhibeatur, (quod de suo *Theometl* seu *Maguei Divino* etiam asseverat *Hernandes*) scribit Muntingius.

Aloen Americanam soboliferam quod attinet, ex ejus truncis ad ignem tostis succus exprimitur, qui fermentatus & per subsidentiam clarificatus vini loco Incolis est, largiusque potus inebriat, ut in Catalogo Horti Beaumontiani refert Kiggelarius.

Jucca foliis *Aloes* nullius in medicina est usus, panis tamen ex radice in farinam comminuta conficitur, & ab Americanis sine ullo incommodo comeditur, non tamen hic panis *Cassavi* ab Incolis vocatur, ut nonnulli cum Aldino putarunt, sed ille ab hoc *Aro Americano*, quod nunc videtis, conficitur, ut me certiores fecerunt plurimi, qui hoc *Arum* mecum communicarunt, & in America habitarunt. Datur & arbor in America, quæ *Hiucca* sive *Mandioca* ex qua *Cassavi* a Parkinsono, *Manibot Indorum*, sive *Yucca foliis Cannabinis* a Bauhino in Pinace. *Manibot Theveti*, *Yucca* & *Cassavi* a Joanne Bauhino, vocatur, quam latius, ut & methodum ex radice hujus arboris farinæ & panis conficiendorum, ex variis auctoribus collectis descriptionibus, *Rajus* in historia sua Plantarum p. 1683. describit.

CAS-

CASPARI COMMELIN
PLANTARUM

RARIORUM & EXOTICARUM

IN

PRÆLUDIIS BOTANICIS

RECENSITARUM

ICONES & DESCRIPTIONES.

G

PLANTARUM
MURATUM

DESIGNATIONES
RACIUM & DESIGNATIONES

Geranium Africanum arborescens, Alchimilla hirsuto folio, floribus rubicundis.

E Seminibus anno 1700. ex Africa a Nobilissimo Capitis Bonæ Spei Governatore Wilhelmo Adriano vander Stel missis nomine *Geranii folio malvæ regionis Attaquæ* enatum est hoc *Geranium*, quod radice sustentatur lignosa, crassa, & fibrosa, e qua caulis erigitur rotundus, hirsutus, viridis, & lineis albicantibus notatus, qui tres quatuorve pedes altus, statim ab ipsa radice in varios, nisi abscindantur, (ut ex ramulorum abscissorum vestigiis patet) divaricatur ramulos, quibus ut & ipsi cauli adnascuntur e pediculo sex septemve uncias longo, rotundo & piloso folia fere rotunda, nervosa, & crenata, quæ odorem spirant non ingratum, & media sui parte nonnihil maculantur, circa ramulorum fastigium pediculi oriuntur septem unciis longiores, qui in alios minores, rubentes & umbellatim positos terminantur, hi in perianthio quinquifido flores gerunt amplos, pentapetalos, & ex incarnato rubentes, quorum duo superiora striis sanguineis notata elevantur, tria autem reliqua deprimuntur, fructus florem sequitur pentacoccus, qui in mucronem exit instar ciconiæ rostri longissimum; tota æstate floret & circa autumnum semina perficit.

52 C. COMMELIN PLANTARUM

Geranium Africanum foliis inferioribus asari, superioribus staphydis agriæ, maculatis, splendidibus, & acetosæ sapore.

ANno 1700. etiam femina hujus plantæ, nomine *Geranii Clematitidis* flore ex rubro & albo variegato, regionis Heycoon, cum mox descripti seminibus transmissa sunt ex Africa. Radices huic plantæ sunt albicantes & fibrosæ: caulis est rotundus, fuscus, & vix unciam altus statim in tres quatuorve dividitur ramulos farmentosos, qui rotundi primo virides, dein rubentes, tandem cum adultiores fusci evadunt, his longo intervallo in pediculis rotundis, tres quatuorve uncias longis, folia adhærent umbilicata, crassa & succulenta, quæ cum splendore media sui parte nonnihil maculantur; horum quædam, inferiora nimirum, rotunda sunt instar foliorum Asari, cætera, superiora videlicet, in lacinias dividuntur Staphydis agriæ foliis æmula, & acetosæ sapore prædita ad unum sunt omnia: ramulorum summitates in pediculo sex unciis nonnunquam longiore flores umbellatim positos sustinent in calice amplos, pentapetalos ex incarnato rubentes, quorum duo superiora lata instar galeæ eriguntur, superius nonnihil excavata cordis quasi figuram repræsentant, striisque sanguineis insigniuntur, tria reliqua labii instar dependent; floribus evanidis fructus apparet more congenerum mucronatus, pentacoccus; omni anni tempore flores & semina perficit.

Gera-

Geranium Africanum astragali folio.

SEmina hujus plantæ absque nomine aliis Africanis feminibus admixta e Promontorio Bonæ Spei accepi anno ultra millesimum sexcentesium nonagesimo nono : radicem habet hoc Geranium pollicem crassam & subluteam, quæ recta in terram descendit, paucas fibras emittens, ex his ipso vere folia quædam exeunt conjugata, cineritia & hirsuta, hæc folia ex diversis foliolis, sexdecim aliquando uni costæ adhærentibus, nunc uno impari, nunc minus extremum costæ claudente, constant; ex ipsa radice æstatis medio in pediculo longiore flores producuntur umbellatim positi pentapetali ex albo rubentes, quæ omnia striis rubentibus insigniter notantur; semina hætenus matura in horto medico produxit nulla, quia circa autumnii initium sensim folia & flores marcescunt, & pereunt, quæ ex radice superstite primo vere redeunt.

Geranium Africanum frutescens folio crasso, & glauco, acetosæ sapore.

RAdix hujus plantæ longa, fibrosa & lutea calami scriptorii crassitiem habet, ex hac radice caulis erigitur rotundus, qui junior viridis tandem fuscus evadit, hic statim in ramulos divaricatur rotundos & virides, quibus folia, pediculo suffulta unciali, adstant crassa, subrotunda, glauca, & in ambitu crenata, circa foliorum pediculi initium duo apparent plerumque foliola ejusdem formæ & texturæ; ramulorum summitates æstatis medio terminantur in flores, umbelliferarum more locatos, qui pentapetali ex albo rubent, quorum petala angusta & oblonga sunt, superiora duo elevata duabus lineis sanguineis circa basin notantur, tria alia immaculata dependent, florem marcidum fructus ut in aliis Geranii speciebus sequitur pentacoccus & mucronatus. Folia hujus plantæ sapore Acetosæ sunt prædita omnia. Avulsis ramulis & seminibus facile propagatur.

Tithymalus aizoides triangularis & quadrangularis articulosus & spinosus ramis compressis.

RAdicem habet hic *Tithymalus* crassam in fibras terminatam albicantes; caulis ex radice nunc simplex, geminus aut multiplex exfurgit articulosus triangularis & aliquando quadrangularis, tandem, ubi adultior, anguli evanescunt, caulis rotundus evadit & ex fusco albescit. Caulis in varios dirimitur ramulos omni folio destitutos, sed triangulares aut quadrangulares, hi ramuli ex ipsius caulis internodio oriuntur, omnes tum caulis tum ramulorum anguli e singulis tuberculis, quæ multa possident, spinas emittunt duas rigidas, fuscas, acutas sed parvas, quæ a se invicem decedunt. Planta hæc quatuor cum medio pedum altitudinem superat & tota viridis est, & quæcumque pars læsa lac effundit copiosum: ramulum in alios divisum icon duntaxat exhibet, ut articulorum magnitudo & figura Lectori eo clarius pateret. Quo nomine hæc planta a Breynio in suo prodromo fasciculi plantarum rariorum secundo, & ab Harmanno in Paradisi Batavi Prodromo proponitur, diximus in præludiis nostris pagin: 21. Ex avulso ramulo, ut omnes plantæ aizoides, facile multiplicatur.

Tithy-

*Tithymalus aizoides arborescens spinosus, caudice
angulari, nerii folio.*

RAdix hujus plantæ crassa fibras hinc inde emittit copiosas, stipitem radix producit crassum primo viridem, mox griseum, semper angulosum, nisi planta fuerit satis annosa, tunc pars inferior stipitis, sed vix ad trium quatuorve unciarum altitudinem angulis suis orbatur, & nonnihil rotunda evadit; ex hoc stipite ramuli producuntur ejusdem cum stipite figuræ; in icone nostra stipes ab omni ramulo orbatus exhibetur, ut folia, stipitis anguli & spinæ in ea clarius spectari possent. In ipsis stipitis & ramulorum angulis tubercula apparent multa, quæ ab inferiore parte spinis geminis, acutis, rigidis, fuscis & a se invicem decedentibus armantur, & e medio folia producunt oblonga, subrotunda & succulenta, instar foliorum Elacalli, a quo nulla alia nota distinguitur, quam quod hujus descripti Tithymali stipes & ramuli angulosi sint, Elacalli rotundi, cætera ut folia, spinæ, stipitis crassities, succus lacteus ex quavis læsione profluens, propagandi modus, & quod frigoris sit impatientissimus, conveniunt omnia. Plantam hanc ante duos tresve annos mecum communicavit honestissima & ingeniosissima illa Sibylla Botanica nostri temporis Domina Agneta Block Domini Sybrandi de Flines Vidua, quæ illam ex Amboina accepit, & aliquot annos in suo omni plantarum tam exoticarum quam indigenarum genere instructissimo viridario, quod ad ripam Vechtæ fluminis possidet, coluit.

Tithy-

*Tithymalus aizoides Africanus simplici
squamato caule.*

RAdix hujus Tithymali alba & crassa fibras aliquot emittit albicantes : caulis ex ipsa radice exit unicus sesquipedem altus, rotundus, viridis & squamosus, qui inferius vix uncia superius quinque unciarum crassitiem superat, circa caulis summitatem ramuli nascuntur ex basi angustiore in mucronem angustiore exeuntes, & ut caulis squamosi, singulis squamis, cum juniores sint, folia innascuntur parva & angusta; in caulis ramulorumque summitate quocumque anni tempore pediculi oriuntur mediam unciam longi, rotundi & crassi, quorum quisque florem gerit unicum monopetalum in quinque profundas lacinias divisum, ut pentapetalus appareat, hæc itaque petala denuo in tres quatuorve alias lacinias dividuntur, florem fructus sequitur trigonus & viridis, qui tribus fulcis totidem intus contineri cavitates singulas semen unicum occultantes quasi ostendit, seminibus maturis & avulsis ramulis facile multiplicari potest, quum, ut cætera Tithymalorum species aizoides, ramuli hujus plantæ facile agant radices, si saltem statim post avulsionem lactis effusio, quæ satis copiosa alioquin accidit, impediatur.

*Titbymalus aizoides Africanus simplici squamato
caule chamænerii folio.*

Hujus plantæ radix crassa undique fibras copiose emittit, quæ caulem circa basin vix unicam cum media crassam, sed superius sex unciarum crassitiem superantem producit, nunc læta nunc tristiori viriditate præditus est caulis, & quacumque parte vulneratur lac fundit copiosum, & e diversis squamis nonnihil eminentibus versus superiora totus constare videtur, quæ eminentiæ nihil aliud sunt, quam relictæ excrescentiæ, quibus totidem antea annexa fuerunt folia, quæ semper circa summitatem apparent, angusta sunt, & quinque uncias longa unicum per longitudinem excurrentem possident nervum: semina, e quibus enata est hæc planta, more congenerum tria in totidem distinctis cavitatibus nascuntur, atque illa anno 1700. ad Nobilissimos hujus Horti Curatores missa sunt. In solo natali locis gaudet uliginosis & falsis, & octobri floret, flores quod attinet, illi sunt virides, quare in codice Nobiliss. & Ampliss. Consulis D. Witsen vocatur *Titbymalus Africanus frutescens flore viridi.*

Titby-

Tithymalus aizoides Africanus, validissimis spinis ex tuberculorum internodiis provenientes.

Radicem habet hæc planta fibrosam, ex qua caulis erigitur pedem altus, qui primo viridis, dein cineritius, tandem fuscus evadit, sex unciarum crassitiem superat, & sulcis, qui margine constant tuberculosa, ab ima ad supremam usque partem quasi excavatus apparet, singula autem tubercula, cum sint juniora, quibus hæ lineæ eminentes & sulcū a sulco separantes constant, in folium aliquod breve, acuminatum, & ab una parte planum ab altera convexum terminantur, folia hæc omnia, quæ singula ex singulis tuberculis prodeunt, tandem cadunt nunquam reditura, sed hisce evanidis ex nonnullis tuberculorum internodiis spinæ exeunt satis robustæ ex rubro albicantes & acutissimæ, ex aliis internodiis ramuli producuntur ejusdem cum caule figuræ. Flores hæcenus aut semina produxit nulla, sed ex quacunque parte læsa lac fundit copiosum. Huic quadammodo similem plantam exhibet Cl. Pluckenetus in sua Phytographia tabula 231. fig. 1. nomine *Tithymali Africani spinosi cerei effigie ex codice Comptoniano*, qui *Tithymalus* an eadem sit planta cum *Euphorbio Dodonæi* quærit, sed nec cum ipso *Dodonæi Euphorbio*, nec cum hoc nostro descriptio *Tithymalo* ullam habet convenientiam.

60 C. COMMELIN PLANTARUM

*Titbymalus Africanus seu Peplis major Brasiliensis
flosculis albis Razi Hist.*

Plantam hanc *Caacicam* esse, quam Marcgravius absque Icone historiæ suæ Plantarum Brasiliæ libro 1. pag. 15. describit, nullus dubito, cum ovum ovo non possit esse similius, quam *Caacicæ* descriptio hujus plantæ structuræ convenit, hoc saltem si excipiatur, quod caules non multi ex eadem radice sed unus duntaxat progrediatur, accidit enim & sæpe, quod e lapsis seminibus plures juxta se invicem nascentur caules, qui tamen non ex una eademque radice oriuntur, quod fortasse Marcgravius fefellit: quare Marcgravi descriptionem huic plantæ convenientem dabo: *Ex radice alba, lignosa, lactescente, paulo majori semipede, caulis prodit teres, nodosus, viridis, uno latere rufescens multis ramis donatus; ad nodos caulis & in ramulis bina folia apposita reperiuntur, in ambitu subtiliter serrata; ramulorum paulo minora iis quæ ad caules. In extremitate caulis & ramorum multi nascuntur flosculi subtilissimi, albi, quatuor foliolis constantes: quos excipit triangularis capsula, quæ tribus distinctis loculamentis tria femina continet. Tota planta copiose lactescit, quod lac commendatur a Lusitanis ad oculorum rubedinem & dolorem auferendum.*

Ala-

Alaternoides Africana lauri serratæ folio.

Singulis ferme annis hujus Alaternoidis femina ex Promontorio Bonæ Spei in Hollandiam transmittuntur, quod mihi videtur indicium certissimum magna copia in eodem sponte sua nasci: nomine *Ricini Africani salicis folio flore viridi* femina mittuntur, atque hoc nomine etiam depicta exhibetur in codice Witfiano, cum hac nota, quod gaudeat campis irriguis & rivulorum marginibus, quod ad septem pedum altitudinem excrescat, & Octobri mense flores virides pentapetaloideos producat; plantas illas quod attinet, quæ nobis e femine in horto medico sunt enatæ, illæ ex insigni crassarum & fibrosarum longe lateque porrectarum radicum contextu nascuntur, caudice constant lignoso, cortice primo viridi, dein castaneo, tandem cineritio, quatuor pedes alto, qui ramulos habet multos cortice eodem, ut caudex, indutos, his folia adfunt viridia, nonnihil mucronata, & circa ambitum crenata, quæ parte superiore splendent, inferiore ex albo virescunt, & pediculo insident parvo & rubicundo, flores aut femina hætenus produxit nulla, tria tamen in totidem distinctis loculamentis producit nigricantia.

62 C. COMMELIN PLANTARUM

*Alaternoides Africana chamæmespili folio rigidior
& minore, floribus albicantibus.*

COpiose etiam hanc Alaternoidem in Africa provenire seminum copia ex ea in Hollandiam singulis ferme annis transmissorum indicare videtur; semina mittuntur nomine *Ricini arborescentis flore albo, folio lucido*. Radicem habet lignosam & fuscam, caulis est rotundus cineritius, altitudo huius caulis variat pro vario cultore, vidi enim, qui septem pedum altitudinem superabant, nos autem, qui elegantiorum structuram arborum exoticarum, quam mediocrem putamus, in horto medico altitudini præferimus, frondosos ramos, quam omni ferme folio præ longitudine destitutos, eligimus, raro caudicem arborum exoticarum altitudinem quatuor pedum excedere permittimus; hæc Alaternoides in ramulos divaricatur primo virides, dein fuscas, folia absque pediculo ramulis adnascuntur instar foliorum Chamæmespili, sed rigidiora & crassiora, non tamen succulenta, quæ parte supina virescunt, prona albicant; flores oriuntur in ramulorum summitate in pediculo longiore multi, pentapetaloides, parvi & albicantes, florem fructus sequitur rotundus & cineritius, qui tribus loculentis semina splendentia & nigricantia continet; flores hyeme & primo vere producit hæc copiosos, semina Junio perficit.

Ala-

Alaternoides Africana rorismarini latiori & pilosiori folio.

R Adices hujus Alaternoidis tenues lignosæ & fuscæ sunt. Caulis rotundus, castanei coloris, foliorum vestigia diu reservat, & duos pedes altus ramulos emittit tenues, quibus folia parva, oblonga instar rorismarini sed latiora adstant, quæ pilis albicantibus & innumeris undique obsita superius virescunt, inferius nonnihil albicant. Ramulorum summitati in orbem quasi positi flores apparent pentapetaloidei, & ex albo lutei, quorum apices purpurascunt, florem fructus sequitur piriformis tribus loculamentis tria semina nigricantia & splendentia continens: floret hæc Alaternoides primo vere & semina media æstate perficit. Semina nomine *Ricini rorismarini folio montis Attaquæ* mittuntur; *Ricinus Africanus tomentosus flore rubro* vocatur in codice Witsiano, quem Amplissimus Consul plantis plurimis Africanis ad vivum in Africa pictis ornatum possidet, quibus singulis præter nomen aliquod, quo loco gaudet, altitudo & florendi tempus adscribuntur; hæc nostra in Africa locis gaudet apricis, tres pedes alta est & Septembri floret. Hanc Phytographiæ suæ Tab. 342. exhibere videtur Pluckenetius, quam in mantissa sua *Almagesti Botanici* p. 45. vocat *Chamæleam Africanam tricocon & tetracocon taxi folio, fructu nigro, summis ramulis, plumulis sive cæsarie coronato*. Quam cum nostra eandem putarem, si Pluckenetianæ folia omnia essent pilosa, & si in nostra unquam fructum reperissem tetracoccum.

Aloe

Aloe Americana juccæ foliis arborescens

Kiggelarii Catal: Beaumont:

Stipitem habet hæc Aloe scabrum & fuscum, qui statim ac e tellure progreditur sesqui pedis crassitiem habet, pars stipitis, quæ in tellure absconditur, fibras emittit plurimas intus albicantes extus rubras, & quarum nonnullæ uncix crassitiem habent, duorum pedum cum medio crassitiem superat: folia, quæ hujus stipitis summitati adnascuntur, ex angustiore basi in ventrem duarum unciarum excrescunt, in mucronem terminantur acutum, & duorum pedum longitudinem superant: tota hæc planta humanæ est altitudinis, illâque hoc anno cum multis aliis exoticis iisque rarioribus hortum medicum ornare placuit Viro Nobilissimo Domino Daniel des Marets Ædificiorum hortorumque regalium, quæ in Fœderatis Provinciis Inviçtissimus Britannix Rex Wilhelmus possidebat, Curatori.

Aloe

Aloe Americana Polygona.

HAnc Aloen esse eandem cum *Americana minore* in Aloidario Muntingii delineata & descripta nullus unquam dubitavi, eamque nullam cum *Aloe Americana ex Vera Cruce foliis latioribus & glaucis* affinitatem habere, præterquam quod ejusdem generis species sit, capite decimo sexto alterius partis horti Amstelædamensis, cum illam Aloen describerem, collatis utriusque attributis demonstravi, utramque tamen in recitandis Synonymis Phytographiæ Muntingii pag. 20. confundit Kiggelarius, quum vel primo oculi intuitu facile utraque queat dignosci, deceptum Cl. virum crediderim, quod Aloen Americanam minorem Muntingii crescentem nunquam viderit, nec mirum, quum post Muntingium inter Batavos nemo ejus mentionem fecerit, Patruum Joannem Commelin si excipias, qui eandem in Catalogo horti Amstelædamensis recenset, illam tamen non diu in horto fuisse super-

I stitem

C. COMMELIN PLANTARUM

stitem mihi facile persuadeo, quum me illam ab anno nonagesimo tertio seculi præteriti in horto medico unquam vidisse non meminerim, donec tandem vir Nobil. & Amplissimus D. Joannes Hudde in inclyta hac Amstelædamensi Republica Consul & Senator, nec non Societatis Indiæ Orientalis Præfectus &c. illam ex America acceptam horto medico donaverit anno ultra millesimum septingentesimo, ut in Præfatione ad partem alteram ante biennium editam dixi, cui itaque Nobiliss. & Amplissimo Viro grates debentur maximæ, præsertim, cum ex hoc dono veræ *Aloes Americanæ minoris Muntingii* veram habeamus notitiam.

Radice sustentatur hæc Aloe digitum crassa, nodulis diversis geniculatim distincta, qui in fibras terminantur. Folia crassa, quæ ex hac radice proveniunt, sese mutuo amplectuntur, longitudinem sesqui pedis habent, duorum nunquam excedunt, circa basin angusta in ventrem excurrunt sex octove digitorum transversorum latitudinis, & mox in spinam terminantur acutam.

Decimo quarto Octobris anni millesimi septingentesimi secundi folia illa in medio plantæ constituta primo explicari videbantur, quibus
tandem

tandem explicatis omnibus, scapus ex eorum medio exortus in mediam usque hiemem altior evasit, qui altitudinem decem pedibus altiore nactus, rotundus erat, crassus, glaber & herbaceus, hic foliolis duas uncias a se invicem vix distantibus, parvis, nec admodum crassis, & caulem firmiter amplectentibus, vestiebatur; ex foliorum alis ramuli producebantur viginti, quorum undecim superiores duas tresve uncias longi exeunt in multos alios minores, qui singuli florem satis pro speciei magnitudine parvum sustinent, monopetalum, & in sex lacinias divisum, color florum ex luteo erat herbaceus, sex stamina in transversum apicem luteum exhibant: reliqui novem rami inferiores non flores, sed soboles satis copiose sustinebant, & quod maxime mirandum, cæteri undecim, floribus evanidis, plures soboles, quam antea flores, qui tamen satis copiosi fuerant, producebant. Aliam soboliferam descripsit in Catalogo horti Lugduno Batavi Hermannus, quæ toto, ut ajunt, cælo ab hac descripta differt, ut facile ex utriusque descriptione lectori patebit, quare nostram Polygonam vocavi, nomine a prolis abundantia & fecunditate desumpto.

C. COMMELIN PLANTARUM

Theometl seu *Maguei Divinum*, quod in Historia rerum Mexicanarum libro octavo exhibet Franciscus Hernandez, cum hac descripta magnam habet convenientiam, præsertim si utriusque virtutes & facultates medicæ considerentur, nam quod de succo *Theometl* seu *Maguei Divini* scribit Hernandez, illum nimirum febres tollere, etiam de sua *Aloe Americana* minore asseverat Muntingius.

Aloe Americana draconis folio serrato.

RAdix hujus Aloe tuberosa, crassa & magna plantam alit tribus pedibus altiore, quæ ex foliis bipedalibus in orbem positis & erectis constat, folia hæc vix unciam lata, & in ambitu serrata, in mucronem acutum sensim terminantur, atque adeo Draconis Clusii foliis æmula sunt, ut si non breviora, & serrata forent, atque in mucronem exirent acutum, unam eandemque quis facile judicaret, plantam jam descriptam ex feminibus ab Illustrissimo & admodum Reverendo Præsuli Domino Henrico Compton Londinensi Episcopo &c. mecum ante quinquennium communicatis enatam possidet hortus medicus, nullibi hanc plantam, quod memini, descriptam delineatamque inveni, aliquam tamen cum *Tacori foliis*, quæ Clusius in exoticis pag. 48. describit, habet convenientiam, si non sit eadem, qui consuli potest. Dubitarem etiam nullus quin eadem sit planta cum *Aloe Fuccæ foliis* Sloan. Catal. Jamaic. 118., tum quia hæc folia cum Juccæ foliis aliquam videantur habere convenientiam, tum quia & semina eodem nomine *Silkgrafs*, quo Sloane suam indigitat, mihi ab Illustrissimo Præsuli transmissa sunt.

Aloe Africana caulescens foliis magis glaucis caulem amplectentibus, & in mucronem obtusorem desinentibus.

ANno millesimo septingentesimo semina a Strenuissimo Promontorii Bonæ Spei Governatore Wilhelmo Adriano vander Stel missa hanc & quinque sequentes Aloës species prodixerunt, quarum duæ priores aliquam cum illa, quam parte altera horti Amstelædamensis capite decimo quarto descripsi, habent convenientiam, has tamen species esse diversas ex utriusque icone & descriptione liquido apparet, hoc tamen interim notatum volo, plantam altera horti Amstelædamensis parte descriptam nunc septem pedum altitudinem superare: hæc prima radicem habet fibrosam, primo albam, dein fuscam: planta hoc tempore est sesquipedalis, caulem habet uncia crassiorē, quem folia amplectuntur glauca, succulenta, oblonga & in mucronem obtusum exeuntia, qui æque ac foliorum latera multis spinis parvis, albicantibus & satis rigidis armantur. Foliorum succus amarorem habet ingratum.

Aloe

*Aloe Africana caulescens, foliis minus glaucis
caulem amplectentibus, dorsi parte
suprema spinosa.*

R Adicem longe lateque diffusam in capillares
exeuntem habet hæc Aloe, quæ hoc tempo-
re tribus pedibus altior caule sustentatur duas
uncias crasso, qui primo viridis tandem fuscus
evadit, huic folia adnascuntur crassa nonnihil
glaucia & in mucronem spinosum & bifidum ex-
euntia, quæ pedis longitudinem superant &
adulta tellurem versus reclinantur, circa dorsi
partem supremam ut & margines spinæ apparent
satis magnæ, sed minus rigidæ & acutæ, folio-
rum hujus ut & præcedentis initia caulem am-
plectuntur, nonnihil pallefcunt, & copiosis ve-
nis viridibus in ipsum folium oblitterandis notan-
tur. Succus hujus Aloes amarus est & fœtidus.

Aloe

70 C. COMMELIN PLANTARUM

Aloe Africana caulescens, foliis glaucis caulem amplectentibus latioribus & undique spinosis.

R Adices hujus Aloes tenues sunt & copiosæ. Tota planta nunc temporis sesqui pedis altitudinem superat, & caule sustentatur rotundo, fusco & tribus unciis crassiore, huic folia adnascuntur crassa, glauca & rigidissima, quæ pedis longitudinem, & quatuor unciarum latitudinem habent, in mucronem spinosum exeunt, & ab utraque sui parte & margine spinis arman-
tur rigidissimis & acutissimis.

Hujus plantæ succus flavescit, foetet & maxime amaricat.

Aloe Africana caulescens, foliis glaucis caulem amplectentibus, dorso integro spinoso.

Multiplici & fibrosa radice nutritur hæc Aloe pedem altior, caule sustentatur duabus unciis crassior, cui folia adnascuntur pedem longa, duas uncias cum media lata, quæ in mucronem terminantur acutum & spinosum, ac in utroque latere & dorso integro spinis armantur multis & rigidissimis; circa foliorum initium, ubi caulem amplectuntur, venæ in hac & præcedente apparent virides in ipsa folia evanescentes.

Succus hujus plantæ foetet, amaricat & flavescit.

In quatuor hisce jam descriptis Aloes speciebus hoc notandum, quod si illæ per æstatem in hypocauftis vitreis conserventur, spinas, quibus armantur, cum viriditate quadam albescere, si vero aeri liberiori exponantur, spinas omnes rubras evadere.

*Aloe Africana caulescens, foliis glaucis brevioribus
caulem amplectentibus, foliorum parte in-
terna & externa nonnihil spinosa.*

EX radicibus rotundis in capillares exeun-
tibus planta erigitur vix pedem alta, quæ
caule sustentatur rotundo, & pro plantæ alti-
tudine satis crasso, folia huic circumstant glau-
ca, rigida, succulenta, duas uncias lata &
quinque longa, quæ in mucronem obtusum ac
spinosum terminantur, & spinis in utraque mar-
gine albicantibus armantur, in horum tum prona
tum supina parte hinc inde maculæ tandem appa-
rent rotundæ & albicantes, quæ sensim eriguntur
& in spinas albicantes abeunt.

Fœtet foliorum succus, flavescit & amaricat.

Aloe Africana caulescens, foliis glaucis brevissimis, foliorum summitate interna & externa nonnihil spinosa.

R Adices sunt huic Aloes speciei tenues : tota planta pedem medium alta , folia habet plurima parva succulenta & glauca , quæ vix tres uncias longa , unam lata , dorsi parte suprema & utraque margine spinis semper armantur albicantibus & rigidissimis , pars tamen foliorum interna & externa spinas aliquas nonnunquam habent , sed hæ tamen perpetuo non inveniuntur , nisi planta fuerit annosior. Hujus plantæ succus insipidus est & aquosus.

*Aloe Africana caulescens perfoliata glauca &
non spinosa.*

MUltis iisque fibrosis radicibus alitur hæc Aloe: Planta pedalis est, tota glauca, nullisque spinis armata; folia nonnunquam sex uncias longa, unciam lata & bina ex aduerso posita caulem amplectuntur, atque adeo ut unicum hæc duo duntaxat dicenda sint folium, quod in duos mucrones exit, & ab ipso caule perforatur, omnia hæc folia cruciatim posita caulem amplectuntur, in ea parte, qua lata sunt, nonnihil excavantur, nervum per longitudinem ductum possident, & circa mucronem plana sunt; carnosæ est planta & insipida, sed non admodum succulenta.

Hanc plantam Anno 1701 & 1702 e Promontorio Bonæ Spei ad Nobiliss. & Amplissimos horti Curatores misit Nobilissimus ejusdem Promontorii Gubernator.

Aloe.

Aloe Africana foliis glaucis margine & dorsi parte superiore spinosis, flore rubro.

CApite duodecimo alterius partis horti Amstelædamensis hanc Aloen sed juniorem, nulloque flore ornatam inveniet Lector, quæ quum jam adultior sit floresque produxerit copiosos, eam post nostra præludia cum aliis Aloes speciebus describere volui, ut ex perfectiore tum icone tum descriptione ejus vera facies lectori pateret.

Radice fibrosa folia plurima in orbem posita sustentantur pedem longa, crassa, succulenta, glauca & ex latiori basi in mucronem acutissimum exeuntia, utraque foliorum margo & dorsi pars superior spinis subflavis plerumque armantur. Ipso Septembri aut Octobri singulis annis scapum producit sesqui pedem altum, viridem, foliolis aliquot non succulentis ei adnascentibus, circa caulis summitatem flores producuntur plurimi, qui clausi eriguntur in pediculo unciali, & flavescent, aperti ex eodem pediculo dependent & rubent, monopetalii sunt omnes, duas uncias longi, in sex profundissimas lacinias divisi, atque adeo ut sex petalis constare videantur; stylum habent hi flores albicantem, & stamina sex apicibus nonnihil rubentibus prædita; semina hætenus perfecit nulla.

Succus hujus plantæ viscosus & dulcis est.

Aloe Africana glabro folio minutissimis cavitatibus donato.

R Adix parva fibrosa & albicans folia sustentat plurima cruciatim quasi posita, succulenta, viridia, angusta mucronata & quatuor uncias vix longa, folia hæc undique cavitatibus minutissimis, quasi totidem forent puncta, prædita sunt & notantur.

Flores hæcenus nec semina produxit ulla.

Semina hujus plantæ Anno millesimo septingentesimo primo ad Amplissimos hujus horti Curatores transmissa sunt.

Succus aqueus est & nonnihil acidus.

*Aloe Africana humilis spinis inermi-
bus & verrucis obsita.*

R Adices hujus Aloes fibrosæ sunt & albi-
cant, e quibus folia producuntur multa,
quatuor uncias longa, succulenta & glauca,
quæ ab utraque parte verrucis & spinis inermi-
bus, hoc est, vix pungentibus, obducuntur,
& in mucronem versus plantæ medium reflexum
exeunt. Succus hujus Aloes saporem exhibet
primo nonnihil amaricantem, sed mox dulcem.
Hanc Aloen cum sequente Arachnoidea ex
Africa ab Illustrissimo Governatore transmissam
accepi annis 1701 & 1702.

Aloe Africana humilis arachnoidea.

RAdicibus sustentatur hæc Aloe fibrosis & albicantibus, folia multa in orbem posita his innascuntur, duas uncias cum media longa ex basi angustiore in ventrem excrescunt unciam latum, & in mucronem acutum & diaphanum exeunt, succo insipido plena sunt & viridia, in utraque margine & dorsi medio spinis armantur albis & inermibus, hoc est non rigidis sed flexibilibus. Ipsa æstate scapus producit pro planta adultiore plus minusve longus, vidi enim qui vix pedis, & alios, qui duorum cum medio pedum altitudinem superabant, scapus quo brevior aut longior, eo etiam est vel tenuior aut crassior, paucioribus vel pluribus ornatur flosculis hexapetaloides & subviridibus, qui intus linea per petalorum longitudinem ducta rubra notantur; femina hætenus produxit nulla.

*Aloe Africana humilis foliis ex albo & viridi
variegatis.*

RAdix huic plantæ alba multisque prædita est geniculis, facile novas plantas producens, ex his folia producuntur quatuor uncis longiora, succulenta, crassa, rigida & in acumen triangulare exeuntia, ubique hæc folia viridia maculis nunc parvis, nunc magnis & albicantibus notantur, foliorum margines & dorsum linea albicante & scabra obducuntur. Foliorum succus subdulcis.

Facile propagatur hæc Aloe plantis junioribus satis frequenter ex ipsa radice continuo pululantibus.

Semina hujus plantæ plana & alata ex Africa Anno 1700 transmissa sunt.

*Aloe Africana humilis folio nonnihil reflexo,
 floribus ex albo & rubro
 variegatis.*

Hanc Aloen anno 1701 cum aliis Aloes speciebus ad Nobiliss. & Amplissimos hujus horti Curatores misit vir Nobilissimus Wilhelmus Adrianus vander Stel Promontorii Bonæ Spei Gubernator.

Radicem habet fibrosam extus fuscā intus albicantem, folia ex hac in orbem posita producuntur, quæ terram versus reflectuntur, & venis satis conspicuis per longitudinem ductis gaudent, crassa sunt, succulenta, utraque margine scabra, & in mucronem exeunt; scapus, qui ex plantæ medio prodit, tenuis, duos pedes altus autumnō prodit, & flores gerit monopetalos in sex lacinias reflexas divisos, & ex albo & rubro variegatos.

Succus hujus Aloes aquosus & insipidus.

*Aloe Africana humilis folio in summitate
triangulari & rigidissimo, margi-
nibus albicantibus.*

HÆc Aloe cum præcedente anno millesimo
septingentesimo ex Africa in hortum trans-
lata est.

Folia aliquot in orbem posita radice sustentan-
tur albicante & fibrosa, quæ folia viridia, rigidis-
sima & crassa sunt, trium unciarum longitudi-
nem, sesqui latitudinem habent, in summitatem
mucronatam & triangularem exeunt, & utraque
margine albicant. Succus hujus Aloes insipidus &
aquosus.

Hactenus flores nec semina in horto medico
perfecit.

Aloe Africana erecta triangularis & triangulari folio viscoso.

Fibrosæ sunt hujus plantæ radices, quæ non nihil rubent, ex his folia producuntur parva, triangularia, viridia, viscosa & insipida, quæ in parte supina parum excavantur, prona eminent, & in mucronem satis rigidum terminantur, hæc folia ita posita sunt & alterum ex alterius principio quasi nascitur, ut tota planta triangularis sit, quæ vix quatuor unciarum altitudinem habet & bis anno 1702 in horto medico floruit, scapus, qui florendi temporis plantæ medio producitur, tenuis est, quatuordecim unciarum altitudinem superat & cum viriditate quadam rubescit, circa hujus summitatem ex longo intervallo flores apparent pauci & parvi, qui cum rubedine quadam albescunt, sunt monopetali & in sex lacinias dividuntur: semina hætenus nulla produxit, sed per plantas juniores ex ipsis radicibus pullulantes propagari potest.

Annis 1701 & 1702 hanc ex Africa accepi.

Alae

*Aloe Africana erecta rotunda folio parvo &
in acumen rigidissimum exeunte.*

EX radicibus fibrosis nonnihil rubentibus folia producuntur parva, crassa & viridia, quæ in mucronem acutissimum, rigidissimum & nonnihil rubentem terminantur, folia hæc confer-tim admodum nascuntur & invicem incumbunt, ut caulis videri possit nullus.

Altitudinem planta hæc quinque unciarum superat; flores aut semina produxit nulla.

Succus aquosus est & in insipidus.

Plantam hanc cum Aloe Americana juccæ foliis arborecente, aliisque rarioribus exoticis, ut pagina 64. jam ante dixi, horto donavit Vir Nobilissimus Daniel des Marets.

Aloe Guineensis radice geniculata, foliis è viridi & atro undulatis variegatis.

PLantam hanc capite vigesimo alterius partis horti Amstelædamensis descripsi, quo tempore in horto medico flores produxerat nullos, flores tamen descripsi tales, quales illam producere mihi scripserat, atque etiam in catalogo instructissimo horti Beaumontiani hanc designans habere dixerat Clar. Kiggelarius, dum vero hæc præterita æstate floreret, inveni illos ab hac descriptione quam longissime diversos, quare hanc de novo cum florum descriptione exacta exhibere volui: clarissimum Virum forte decepit scapus non genuinus pro vero tamen illi obtrusus.

Radice nutritur hæc Aloe longa, crassa, multis geniculis inæquali, vix infra tellurem transversa seu obliqua hærente, quæ intus alba & subdulcis cortice tegitur flavo & tenui, ipsi radici a parte inferiore adnascuntur fibræ albicantes. Folia ex ipsa radice assurgunt primo chartaceorum cucullorum in morem circumvo-

luta,

luta, quæ tandem explicata, pedalia & sesqui
pedalia, tres uncias lata & in mucronem iner-
mem exeunt, ab utraque parte nunc læta nunc
atra viriditate undulatim pinguntur, margine
circumscribuntur subrubro, & saporem habent
Salsum.

Flores, quos mense Augusto anni 1702. pro-
duxit in horto medico, scapo sustentabantur
bipedali, rotundo & e viridi purpurascenti, erant
plurimi, albicantes, monopetali, tubulosi & in
sex profundas & reflexas lacinias divisi, florum
meditullium præter stylum nutritivum occupabant
stamina sex albicantia, apicibus transversim in-
cumbentibus prædita, qui ipso autumno absque
feminis perfectione perierunt omnes.

Propagatur facillime ex ipsa serpente radice.

F I N I S.

Ad-

Admonitio ad Bibliopegum.

*In hoc libro icones agglutinandæ sunt chartarum laciniis ,
eadem prorsus ratione ac fieri solet in tabulis Geographicis ,
singulæ autem inserantur suis locis , ut hic ordine notantur.*

Berigt aan de Boekbinders.

In dit Boek moeten de Figuren aan strooken geplakt worden , als men in de Kaarte-boeken gewoon is te doen , en dat op de volgende folien.

Icon prima	Inseratur	Pag: 51	Icon	Inseratur	Pag:
2	—	—	52 18	—	69
3	—	—	53 19	—	70
4	—	—	54 20	—	71
5	—	—	55 21	—	72
6	—	—	56 22	—	73
7	—	—	57 23	—	74
8	—	—	58 24	—	75
9	—	—	59 25	—	76
10	—	—	60 26	—	77
11	—	—	61 27	—	78
12	—	—	62 28	—	79
13	—	—	63 29	—	80
14	—	—	64 30	—	81
15	—	—	65 31	—	82
16	—	—	67 32	—	83
17	—	—	68 33	—	84

SPIRÆA AFRICANA FOLIIS CRUCIATIM POSITIS

Fig. 1.




P. Sluyter sculpsit

GERANIUM AFRIC. ARBOR. ALCHIMILLÆ FOLIO, FLOR. RUB. *Fig. 1.*



*H. S. Sculpsit
P. Sluiter.*



SPIRÆA AFRIC: ODORATISSIMA FLOR: SUAVE RUBENT. *Fig. 2.*



THE UNIVERSITY OF CHICAGO PRESS



GERANIUM AFRIC: ASARI ET STAPHISAG: FOLIO. *Fig. 2.*



SPIRÆA AFRIC: ODORATA FOLIIS PILOSIS.

Fig. 3.





GERANIUM AFRIC: ASTRAGALI FOLIO . *Fig: 3.*



MELIANTHUS AFRIC. MINOR FŒTIDUS.

Fig. 4.



GERANIUM AFRIC. FRUTESC. FOL. GLAUC. ACETOSÆ SAPORE. *Fig. 4.*



JASMINUM AFRICANUM FOLIIS SOLITARIIS. *Fig. 5.*





TITHYMALUS AIZ. ARBOR. CAUDICE ANGUL. NERI FOL. *Fig. 6.*



JASMINUM AFRICANUM ILICIS FOLIO.

Fig. 6.



TITHYMALUS AIZOIDES TRIANGULARIS ET QUADRANGULARIS *Fig. 5.*



KETMIA AFRIC: VESIC: UVÆ CRISPÆ FOLIIS .

Fig. 7.



P. J. Lecoq

TITHYMALUS AIZ. AFRIC. SIMPL. SQUAMATO CAULE. *Fig. 7.*



CENTAURIUM MINUS AFRIC: ARBORESCENS.

Fig. 8.





TITHYMALUS AFRIC. SIMPL. SQUAMAT. CAULE CHAMÆNERII *Fig. 8.*





CENTAURIUM MINUS AFRIC: ARBORESCENS PULPIFERUM. *Fig. 9.*



TITHYMALUS AFRIC: AIZ: SPINIS VALIDISSIMIS ARMATO. *Fig. 9.*



FABAGO AFRIC: ARBORESCENS FLORE SULPHUREO.

Fig. 10.



TITHYMALUS AMERICANUS FLOSCULIS ALBIS *Fig. 10.*



COLUTEA AFRIC: SENNÆ FOLIIS, FLORE SANGUINEO. *Fig. 11.*



ALATERNOIDES AFRIC: LAURI SERRATAE FOLIO. *Fig. II.*



ALATERNOIDES AFRIC. CHAMÆMESPILI FOLIO. *Fig: 12.*



COLUTEA AFRICANA HUMILIS FLORE SANGUINEO. *Fig. 12.*



P. S. L.

CYTISUS AFRICAN, HERBACEUS, FLORIBUS RUBRIS.

Fig. 13.



P. S. Sculp.

ALATERNOIDES AFRC: RORIS MARINI LATIORI FOLIO. *Fig. 13.*



ALOE AMERIC: JUCCÆ FOLIIS ARBORESC: *Fig: 14.*




LILIO-ASPHODELUS AMERIC: SEMPERVIRENS MAXIMUS. *Fig. 14.*



ALOE AMERICANA POLYGONA *Fig. 15*



THE HERBARIUM OF THE UNIVERSITY OF TORONTO



LILIO ASPHODELUS AMERIC: SEMPERVIRENS MINOR.

Fig. 15.



ALOE AMERIC: DRACONIS FOLIO SERRATO. *Fig. 16.*



APOCYNUM AFRIC: LAPATHI FOLIO.

Fig. 16.



THE HISTORY OF THE



APOCYNUM AFRIC: SUBHIRSUTUM FOL: UNDULATIS.

Fig. 17.





ALOE AFRIC: CAULESC: FOLIIS MAGIS GLAUCIS CAUL: AMPL. *Fig. 17.*



THE UNIVERSITY OF CHICAGO PRESS





Pl. Sulp.

ALOE AFRIC. CAULESC. FOL. MINUS GLAUC. CAULEM AMPLECT. *Fig. 18.*



ASCLEPIAS AFRIC: AIZOIDES, FLORE PULCRE FIMBRIATO. *Fig. 19.*



ALOE AFRIC: CAULES: FOL. GLAUC. CAULEM AMPECT: SPINOS *Fig. 19.*



ARUM AMERIC: MACULAT: CAULIC: FUSCIS ET VIRIDIBUS. *Fig. 20.*




P. S. fculp.

ALOE AFRIC: CAUL: FOL: GLAUC: CAULEM AMPLECT: DORSO SPINOS *Fig. 20*







ALOE AFRIC. CAUL: FOL: GLAUSIS CAUL: AMPLECT: BREVIORIB: *Fig. 21.*





RECEIVED BY THE DIRECTOR OF THE BUREAU OF THE ARMY



ALOE AFRIC: CAUL: FOL: GLAUC: BREVISS:..

Fig. 22.



THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.
1917



COTYLEDON AFRIC: FRUTESC FOLIO LONGO ET ANGUSTO. *Fig. 23.*




THE HISTORY OF THE UNITED STATES OF AMERICA



ALOE AFRIC: CAULESC: PERFOLIATA. *Fig. 23.*






COTYLEDON AFRIC: FRUTESC: FLORE UMBEL: COCCINEO. *Fig. 24.*



ALOE AFR FOL GLAUCIS MARGINE ET DORSI PARTE SUP SPIN. *Fig. 24.*







ALOE AFRIC: GLAB: FOLIO MINUTISSIM: CAVITATIB: NOTATO. *Fig. 25.*







ALOE AFRIC: HUMILIS SPIN: ET VERRUCIS OBSITA *Fig: 26:*



LAVENDULA TENUIS ET ELEGANTIUS DISSECTA. *Fig. 27.*



ALOE HUMILIS AFRICANA ARACHNOIDEA . *Fig. 27.*



MOLDAVICA OR: BETONICÆ FOL: FLORE VIOLACEO. *Fig. 28.*



ALOE AFRIC: HUMILIS FOL. EX ALBO ET VIRIDI VARIEGAT.^o Fig. 28.





ALOE AFRIC: HUMILIS FOL: NON NIHIL REFLEXO. *Fig. 29.*



CASSIDA OR: INCANA FOLIIS LACINIATIS .

Fig. 30.




P. J. Gault

THE UNIVERSITY OF CHICAGO

ALOE AFRIC. HUMILIS FOL. TRIANGULARI RIGIDO ALBICANTE *Fig. 30*





ALOE AFRIC. ERECTA TRIANGULARIS ET VISCOsa. *Fig. 31.*



LINARIA OR: LILII PERSICI FOLIIS SPICA PYRAMIDATA. *Fig. 32.*



ALOE AFRIC: ERECTA ROTUNDA FOL: ACUMINATO. *Fig: 32.*



LYSIMACHIA OR: ANGUSTIF: FLORE PURPUREO .

Fig. 35.



ALOE GUINEENSIS RADICE GENICULATA FOL: VARIEGATO. *Fig. 33.*





P. S. Lulup



PAPAYER OR: HIRSUTISSIMUM FLORE MAGNO.

Fig. 34.



ANEMONOSPERMOS AFRIC: JACOBÆÆ MARIT: FOLIIS .

Fig. 36.



ELICHRYSUM AFR. TOMENTOSUM ERUT: CALYCE ARGENTEO. *Fig. 37.*



THE UNIVERSITY OF CHICAGO PRESS



ELICHRYSUM AFR: TOMENTOSUM FRUT: CALYCE AUREO. *Fig. 38.*



J. S. Sculp.



P. J. L. Sculp.





COMA AUREA AFRIC: FRUTIC: FOLIIS INCISIS ET DENTATIS. *Fig. 41.*



THE HISTORY OF THE CITY OF BOSTON

JACOBÆA AFRICANA FRUTESC: FOLIIS INCISIS.

Fig. 42.



P. S. Sculp.

PERSICARIA OR: NICOTIANÆ FOL: CAL: FLOR: PURPUR. *Fig. 43.*



P. S. Kulp.

THE UNIVERSITY OF CHICAGO PRESS

ALOE AFRIC. CAULESC. FOLIIS MAGIS GLAUCIS CAUL. AMPL. *Fig. 44.*



PLANTAE INDIAE ORIENTALIS



ALOE AFRIC: CAUL: FOL: GLAUSIS CAUL: AMPLECT: BREVIORIB: *Fig: 45.*



ALOE AFRIC. HUMILIS SPIN. ET VERRUCIS OBSITA. Fig: 46.



ALOE AFRIC: HUMILIS FOL. EX ALBO ET VIRIDI VARIEGAT^o Fig. 47.





ALOE AFRIC. HUMILIS FOL. TRIANGULARI RIGIDO ALBICANTE. *Fig. 48.*



